

四庫全書

集部

欽定四庫全書

集部

溫飛卿詩集箋注卷二

詳校官監察御史臣查瑩

檢討臣何思鈞覆勘

總校官知縣臣繆琪

校對官中書臣王慶長

謄錄監生臣錢雋選

欽定四庫全書

集部二

溫飛卿詩集箋注

別集類一 唐

提要

臣等謹案溫飛卿詩集箋注九卷明曾益撰

國朝顧予咸補緝其子嗣立又重訂之凡注中

不署名者益原注署補字者予咸注署嗣立

案者則所續注也益字予謙山陰人其書成

於天啓中予咸字小阮長洲人順治丁亥進

士官至吏部考工司員外郎嗣立字俠君康熙壬辰進士由庶吉士改補中書舍人曾注謬譌頗多如漢皇迎春詞乃詠漢成帝時事而以漢皇為高祖邯鄲郭公詞為北齊樂府舊題郭公者傀儡戲也舊本訛詞為祠遂引東京郭子儀祠以附會祠字之訛嗣立悉為是正考據頗為詳核然多引白居易李賀李商隱詩為注雖李善注洛神賦遠遊履字引

繁欽定情詩為證古人本有此例然必謂夜  
宴謠裂管字用白居易翕然聲作如管裂句  
曉仙謠下視九州字用賀遙望齊州九點烟  
句生襟屏風歌銀鴨字用商隱睡鴨香鑪換  
夕薰句似乎不然是亦一短也唐藝文志載  
庭筠握蘭集三卷金荃集十卷詩集五卷漢  
南真稿十卷宋志亦同陳振孫書錄解題作  
飛卿集七卷又陸游渭南集有溫庭筠集跋

稱其父所藏舊本以華清宮詩為首中有早  
行詩後得蜀本則早行詩已佚文獻通考則  
云溫庭筠金荃集七卷別集一卷是宋刻已  
非一本矣曾本合為四卷名曰八义集以作  
賦之事名其詩頗為杜撰嗣立此注稱從所  
見宋刻分詩集七卷別集一卷以還其舊疑  
即通考所載之本又稱宋文苑英華萬首絕  
句所錄為集外詩一卷較曾本差為完備然

總之非唐本之舊也乾隆四十六年六月恭

校上

總纂官

臣紀昀

陸錫熊

孫士毅

總校官

臣陸

費

墀





欽定四庫全書

溫飛卿詩集箋注卷一

明 曾益 撰

長洲顧 子咸 補

雞鳴埭歌

一作曲補李延壽南史齊武帝車駕數幸琅邪城宮人常從早發至湖北埭雞

始鳴故呼為雞鳴埭金陵志雞鳴埭在青溪西南湖溝之上齊武帝早遊鍾山射雉至此始聞雞鳴許慎說文埭水為堰曰埭

南朝天子射雉時

左衛殿中將軍卽郢超表陳射雉書

奏賜死九月壬寅於琅邪城講武觀者傾都普頌酒肉

銀河

耿耿星參差

白帖天河謂之銀漢亦曰銀河

銅壺漏斷夢初覺

張衡渾天儀制

以銅為器實以清水下各開孔以玉州吐漏水入兩壺

嗣立案南齊書武帝數遊幸苑囿載宮人從後車宮內

漢隱不聞端門鼓漏聲置鐘於景陽樓上宮人聞鐘聲早起裝飾至今此鐘唯應五鼓及三鼓也

寶馬

塵高人未知

史記李斯傳中殿之寶馬臣得賜之魚躍補徐陵移齊文庸蜀寶馬彌山不窮

蓮東蕩宮沼

吳曾漫錄樂府江南詞魚戲蓮葉東魚戲蓮葉西魚戲蓮葉南魚戲蓮葉北

濛

濛御柳懸棲鳥紅妝萬戶鏡中春

補費祖行路難至尊離宮百餘處千門萬

戶不知曙碧樹一聲天下曉

班固西都賦珊瑚碧樹周阿而知曙

樹名曰蟠桃枝相去三千里山上有天雞日盤踞勢窮初出照此木天雞即鳴天下雞隨皆應之

盤踞勢窮

三百年

張渤吳錄諸葛亮謂大帝曰鍾山龍蟠石頭虎踞補隋薛道衡傳郭璞云江表偏王三百年還

與中國合庾信哀江南賦將非江表王氣終於三百年乎

朱方殺氣成愁煙

補吳地記吳改

朱方曰丹徒江淹賦爰契濶於朱方晉天文志條條片片殺氣也

彗星拂地浪連海

補淮

南子鯨魚死而彗星出爾雅彗星為櫓槍注亦謂之字言其形字字然如掃帚

戰鼓渡江塵漲

天

嗣立案南史陳後主荒於酒色不恤政事隋文帝大

作戰船使投拂於江曰若彼能改吾又何求及納蕭

獻蕭巖隋文愈忽以晉王廣為元帥督八十總管進討

補家語子貢曰兩壘相望塵埃相接庾信賦塵埃漲天

繡龍畫雉填宮井

禮記天子龍卷劉熙釋名衮卷也畫

畫鞬雉之文於衣也補南史隋軍克臺城貴妃與後王

俱入井隋軍出之晉王廣命斬於青溪中南嶽志景陽

井在臺城內陳後主與張麗華孔貴墳投其中以避隋兵舊傳聞有石脉以帛拭之作臘脂痕名臘脂井一名

辱井在野火風驅燒九鼎嗣立案南史大皇佛寺起七層煥未畢火從中起飛至石

法華寺頭死者甚衆左傳成殿巢江燕砌生蒿廣雅砌祀也詩王遷九鼎於洛邑

之蒿注蔽十二金人霜炯炯司馬遷史記始皇收天下也即青蒿

金人十二重各半綿平綠臺城基南齊志臺城在鍾山十石置宮廷中

後謂朝廷禁省為臺暖色春空一作容荒古陂寧知玉樹故稱禁城為臺城

後庭曲嗣立案陳書後主貴妃遊宴使諸貴人女學士與狎客共賦新詩互相贈答采其尤豔麗者以

為曲調被以新聲選宮女有容色者以千百數令習而歌之其曲有玉樹後庭花臨春樂等大抵皆美張貴妃

孔貴嬪之容色也舊唐志玉樹後庭花太簇商曲也陳後主所作其曲云妖妃臉似花含露玉樹流光照後庭

留待野棠如雪枝

崔豹古今注棠梨合歡也

### 織錦詞

丁東細漏侵瓊

一作瑶

瑟影轉高梧月初出

梁簡文帝詩避暑高梧側

輕風時入襟詩月出皎兮補公孫來月賦猗嗟明月當心而出

簇簌金梭萬縷紅

秘閣閒話

蔡州蔡氏七夕禱天得金梭詳卷三

駕鵞豔錦初成匹

劉孝威詩蒲萄始欲罷駕鵞猶未成

嗣立案葛洪西京雜記霍光妻遺淳于衍蒲萄錦二十四匹散花綾二十五匹綾出鉅鹿陳寶光家寶光妻傳

其法霍顯召入其第使作之機錦中百結皆同心梁武帝詩

腰間雙綺帶夢為同心結樂亂雲盤相間淡陸翹鄴中記錦有大菜

核文錦補杜甫白絲行萬州千花動凝碧王于年拾遺

也此意欲傳傳不得玫瑰作柱朱弦琴補司馬相如子

玉玫瑰晉灼曰玫瑰火齊珠也嗣立案才調集為君裁

徐注沈約詩寶瑟玫瑰柱尚書大傳大琴朱弦

破合歡被古詩文彩雙駕星斗迢迢一作共千里補古

追牽牛星皎皎河漢女謝象齒一作熏鑪未覺秋補左

莊月賦隔千里兮共明月天子以象牙為火籠謝惠

有齒以焚其身西京雜記天子以象牙為火籠謝惠

連雪賦燎熏鑪兮炳明燭江淹別賦共金鑪之夕香碧

池中才調集有新蓮子補庾信詩淡紅蓮

作已

夜宴謠

長釵墜髮雙蜻蜓碧盡山斜開畫屏  
蛸須一作公子五

侯客

魏志崔琰虬須對客直視荀悅漢紀谷永與齊人樓護俱為五侯上客

一飲千鍾如

建瓴

補孔叢子平原君與子高飲強子高酒曰昔有遺辭堯舜千鍾孔子百壺子路嗑嗑尚飲百榼古之

賢無不能飲者也吾子何辭焉漢書高帝鸞咽托一作紀下兵於諸侯譬猶高屋之上建瓴水也鸞咽托一作妖

唱員無節

說文鸞赤文五彩鳴中五音補張率長相思歌兒流唱聲欲清舞女趁節體自輕

眉

斂湘煙袖回雪

海錄碎事唐明皇命畫工畫十眉圖一曰涵煙眉補張衡舞賦裾似飛燕袖如

回清夜恩情四座同莫令溝水東西別

補卓文君白頭吟今日斗酒會

明旦溝水頭蹀躞御亭亭蠟淚香珠殘郭茂倩樂府詩集作賤庚信對

溝上溝水東西流御暗露曉樂府詩集作小風羅幕寒見卷二飄飄一作

戰帶儼相次二十四枝龍畫竿典畧天子戟二裂管十有四詳卷二

縈弦共鯨曲補白居易詩翕然聲作疑管裂芳尊細浪

傾春醪補盛弘之荊州記淥水出豫章康樂縣其間烏程鄉有酒官取水為酒酒極甘美與相東邨湖

酒年常獻之世稱邨高樓客散杏花多補曹植詩明月正照高樓流光正

淥酒邨淥醪同月昏參星夕杏花盛桑葉白脈脈新蟾如瞪目補張衡靈

憲垣城奔月是為蟾蜍劉孝綽詩攢柯半玉蟾王延壽魯靈光殿賦齊首目以瞪盼蟬蒼瞪盼視也



蓮浦謠

鳴橈軋軋谿溶溶

杜甫詩鳴橈總發時

廢綠平煙吳苑東

吳苑注詳下

水清蓮媚兩相向鏡裏見愁愁更紅

補梁昭明太子采蓮曲桂楫蘭橈浮

碧水江花玉面兩相似

白馬金鞭

一作

大隄上

補隋煬帝詩白馬金貝裝橫行遶水

傍陳沈炯詩陳王裝腦勒晉后鑄金鞭襄陽樂歌朝發襄陽城莫至大隄宿大隄諸女兒花艷驚郎目

西

江日夕多風浪

補梁簡文帝曲采蓮渡頭擬黃河郎今欲渡畏風波費祖采菱曲日斜天欲莫

風生浪未息

荷心有露似驪珠

薛道衡詩荷心宜露泣庚信詩秋露似珠員莊子千金之

珠必在九重之淵驪龍領下能得珠者必遭其睡也

不是真員亦搖蕩

補白居易詩荷露雖

團豈  
是珠

郭處士擊甌歌

補段安節樂府雜錄唐武宗朝郭道源善擊甌率以邢甌越甌十二

隻旋加減水具中以箸擊之

佶粟金虬石潭古

說文虬龍子無角玉篇虬無角龍也俗作虬

勺陂激濫幽

修語

嗣立案徐注漢地李善曰激濫相連之貌

湘君

寶馬上神雲

劉向列女傳舜陟方死於蒼梧二妃死於江湘之間俗謂之湘君嗣立案屈原楚詞

湘夫人朝馳余馬兮江皋又靈之來兮如雲

碎佩叢鈴滿煙雨

嗣立案詩離佩以贈之傳

佩玉上有蔥珩下有雙璜街牙墮珠以納其間楚辭湘君捐余袂兮江中遺余佩兮澧浦詩和鈴央央傳和在

軾前鈴  
在祈上

吾聞三十一

一本無  
三十

六宮花離離

李賀詩三十  
六宮土花碧輓

風吹春星斗稀

補魏武帝樂府月  
明星稀烏鵲南飛

玉晨玲

一作

磬破昏

夢

上清紫宸君經上皇先生紫  
晨君蓋二儀之肩玉晨之精

天露未乾香著衣

徐注  
列星

國天乳一星在氏北主  
甘露占明潤則甘露降

蘭釵委墜垂雲髮

後漢梁冀傳  
冀妻孫壽造

倭墮髻補古今注墮馬髻今無復作者倭墮髻一云墮  
馬之餘形也古樂府頭上倭墮髻司馬相如賦雲髮豐

豔

小響丁當逐回雪

曹植洛神賦飄颻  
今若流風之回雪

晴碧煙滋重疊

山

補江淹詩閨州含碧滋  
宋玉高唐賦重疊增益

羅屏半掩桃花月太平天子

駐雲車

補漢武故事帝乘小車畫雲其上王建宮  
詞太平天子朝元日五色雲車駕六龍

龍鑪

勃鬱雙蟠拏

補梁沈約和劉繪博山香鑪詩蛟螭盤其下懷首盼曾穹

宮中近臣抱

扇立

杜甫詩雲移堆尾開宮扇

侍女低鬟落翠花

杜甫詩戶外亂珠昭容紫袖垂

觸續正跳蕩

補白居易琵琶行嘈嘈切切錯雜彈大珠小珠落玉盤

傾頭不覺金

烏斜

補張衡靈憲曰陽精之宗積而成烏有我亦為三趾唐太宗詩紅輪不暫駐烏飛豈復停

君長嘆

一作太

息絨情遠寄愁無色莫霑香夢綠楊絲千

里春風正無力

嗣立案北魏樂府楊白花春風一夜入闌闌楊花飄蕩落南家含情出戶脚無

力拾得楊花淚露臆

遐水謠

天兵九月渡遐水馬蹋沙鳴雁聲

一作驚雁起在沙州沙角

山沙如乾糖人馬過此則沙鳴有聲聞數里外或殺氣隨人足而墮經宿復還山上即禹貢所稱流沙

空高萬里情塞寒如箭傷

一作雙

眸子狼煙堡上霜漫漫

段成式酉陽雜俎狼糞煙直上烽火用之

枯葉飄

一作號

風天地乾犀帶鼠裘

無暖色

官制中書舍人犀帶佩魚補杜甫詩映客貂鼠裘

清光炯冷黃金鞍

補沈

約白馬篇白馬紫金鞍傳鑣過上蘭

虜塵如霧罩

一作昏

亭障

嗣立案秦始皇紀築亭障

以逐戎人勾奴傳築城障列亭頓盾云障山中小城隴亭候望所居也庾信詩蕭條亭障遠悽慘風塵多

首年年漢飛將

柳惲詩亭皋木葉下隴首秋雲飛漢書李廣為右北平太守勾奴號曰漢之飛

欽定四庫全書

卷一

將麟閣無名期未歸漢書甘露三年單于入朝上思股肱之美乃圖畫大將軍霍光等十

一人於麒麟閣張晏曰樓中思婦徒相望沈約詩高樓武帝獲麒麟時作此閣切思婦西園

才遊上

曉僊謠

玉妃喚月歸海宮

靈寶赤書經元始登命太真案筆玉妃拂筵鑄金為簡刻書玉篇徐堅初

學記引史記蓬萊方丈瀛洲北三神山諸僊及不死藥在焉黃金白銀為宮闕未至望之如雲及到三山反居

水下欲到則風引船而去終莫能至者月色澹白涵春空銀河欲轉星靨

靨碧浪疊山埋早紅宮花有露如新淚補劉子春花含日似笑秋露泣

葉如泣曹植浮萍篇悲風來入懷淚落如坐露小苑叢叢樂府詩集作茸茸入寒翠綺

閣空傳唱漏聲

補枚乘雜詩交疏結綺窗阿閣三重階李賀詩幾回天上葬神僊漏聲相將無

斷網軒未辨凌雲字

沈約詠月詩網軒映珠綴應門照綠苔劉義慶世說新語荀羨登北

固山望海云雖未覩三山使自使人有凌雲意

遙遙珠帳連湘煙

漢武故事以琉璃珠玉明

月夜光錯雜天下珍寶為甲帳詳卷八

鶴扇

一作如霜金骨僊

陸機羽扇賦昔楚襄

王會於章臺之上大夫宋玉唐勒侍皆操白鶴之羽以為扇諸侯掩塵尾而笑謝惠連白羽扇贊涼齋清風素

同冰雪東方朔十洲記東海之西岸有扶桑人食其堪體骨皆作金色高飛翔空

碧簫曲盡彩

霞動

補鮑昭升天行鳳臺無還駕簫管有遺聲下視九江淹僊陽亭詩下視雄虹照俯看彩霞明

州皆悄然

補李賀詩遙望齊州九點煙一泓海水杯中瀉秦王女騎紅尾鳳列

傳蕭史者秦繆公時人也善吹簫繆公有女弄玉好之

公遂以妻焉遂教弄玉作鳳鳴居數十年吹似鳳聲鳳

皇來止其屋為作鳳臺夫婦止其上不下數年一旦乘

皆隨鳳皇飛去江淹詩畫作秦王女乘鸞向煙霧

一作半空回首晨雞弄補太玄經雌雞晨鳴雄雞宛頭霧露一作蓋狂塵億

兆一作萬家筭法十萬為兆世人猶作牽情夢

錦城曲補元和郡國志錦城在成都縣南十里故錦官城也益州記錦城在益州南作橋東

流江南岸昔蜀時故錦官也今號錦城城墉猶在鄼道元水經注夷里道西故錦官也言錦工

織錦則濯之江流而錦至鮮明濯以它江則錦色弱矣



蜀山攢黛留晴雪

字義獨立水中曰蜀畫品巉嵯嵯窳窳

不散簾筍巖牙紫九折

補左思蜀都賦馳九折之阪水經注味山邛崃山也

一曰新道山南有九折阪夏則凝冰冬則毒寒王子陽按轡處也

江風吹巧翦霞綃花

上千枝杜鵑血

補埤雅杜鵑一名怨鳥夜啼達旦血漬州木凡始鳴

皆北向啼苦則倒懸於樹血流不止劉敬叔異苑杜鵑始陽相催則鳴先鳴者吐血死

杜鵑飛入巖下

叢夜叫思歸山月中

補零陵地志思歸其音似不如歸去

巴水漾情情不

盡

補水經注巴漢世郡治江州巴水北北府城是文君也三巴記聞白二水東南流曲折三回如巴字

織得春機紅

司馬相如傳相如與臨邛令相善臨邛富人卓王孫有女文君新寡好音相如以琴

心挑之夜奔相如蜀都賦百室離  
房機杼相和貝錦斐成濯色江波  
怨魄未歸芳草死蜀

記昔有人姓杜名宇王蜀號曰望  
帝宇死俗說云宇化為子規子規  
鳥名也蜀人聞子規鳴皆曰望帝  
也成都

記望帝死其魄化為鳥名曰杜鵑  
亦曰子規蜀都賦鳥生杜宇之魄  
屈原離騷恐鵲鵲之先鳴兮使夫  
百州為

之不勞王逸注言我恐鵲鵲以春  
鳴使百州華英摧落芬芳不成也  
江頭學種相思子

左思吳都賦相思之樹嗣立案徐  
注王維詩紅豆生樹南國春來發  
幾枝贈君多采擷此物最相思即  
此也樹

成寄與望鄉人益州記升僊亭夾  
路有二臺一名望鄉臺在華陽縣  
北九里成都記望鄉臺隋

蜀王秀白帝荒城一作五千里  
城在夔州府治東五里所築

元和郡國志公孫述至魚復有白  
龍出井中因號魚復為白帝城水  
經注白帝山城周回二百八十步  
北緣馬

嶺接赤岬山其間平處南北相去八十五丈東西十七丈入東傍東溪谿即以爲隍西南臨大江關之眩目惟馬嶺小差委迤猶斬爲路羊腸數四然後得上蜀都賦經途所亘五千餘里

### 生襟屏風歌

補禮記月令仲春之月玄鳥至至之日以太牢祀於高禘天子親往后妃

帥九嬪御乃禮天子所御帶以弓韣授以弓矢于高禘之前鄭玄曰高辛氏之世玄鳥遺卵城簡吞之而生契後王以爲媒宮嘉祥而立其祠焉變媒言襟神之也嗣立案漢書東方朔傳有封泰山責和氏璧及皇太子生襟屏風殿上柏柱平樂觀賦獵八言七言上下枚舉傳武帝春秋二十九過得皇子羣臣喜故舉與東方朔作皇太子生賦及立皇子襟祝受詔所爲皆不從故事重皇子也後漢書注晉元康中高襟壇上石被詔問出何經典朝士莫知博士束皙答曰

漢武帝晚得太子始為立高謀之祠高  
謀者人之先也故立石為主祀以太牢

玉墀暗接昆侖井

漢武帝落葉哀蟬曲玉墀分塵生桑  
欽水經昆侖墟在西北去嵩高五

萬里地之中也其高萬一井上無人金索冷

補戴延之  
西征記太

極殿上有金井闌金博山金轆轤蛟龍負山  
於井上李正封詩宵閨玉堂簾露寒金井索畫壁陰森

九子堂

漢書成帝紀元帝在太子宮生甲觀畫堂為世  
適皇孫應劭曰甲觀在太子宮甲地畫堂畫九

子階前碎月鋪花影繡屏銀鴨香菰濛

漢羊勝屏風賦  
重葩累繡香屏

連璋補李賀詩深幃金鴨冷天上夢歸花繞叢

補漢書  
薄姬曰

昨夜夢蒼龍據妾胸上曰此貴徵  
也吾為汝成之遂幸有身生文帝宜男漫作後庭艸  
風土

記宜男州一名鹿隱宜懷妊婦人佩之必  
生男補庚信傷心賦風無少女州不宜男  
不似櫻桃千  
子紅

### 朝春風

春風何處好別殿饒芳艸  
萋萋轉鸞旂詩具旂花茂鸞聲 菱

蕤吹雉葆

補張衡東京賦羽蓋威蕤

揚芳歷九門

禮記注天子九門路門應門雉門庫

門皋門城門近郊門遠郊門關門也

澹蕩入蘭蓀

鮑昭白紵歌春風澹蕩使思多沈約和謝宣城

詩昔賢侔時雨今守藹蘭蓀注蓀香艸名也

爭奈白團扇時時偷主恩

嗣立案班

使仔怨歌行新裂齊紈素皎潔如霜雪裁為合歡扇團圓似明月出入君懷袖動搖微風發常恐秋節至涼風

奪炎熱棄捐篋笥  
中恩情中道絕

舞衣曲

藕腸纖縷抽輕春

東晉補亡詩  
州以春抽

煙機漠漠嬌蛾

一作蛾

補謝朓詩生煙紛漠漠詩臻首蛾眉師古曰蛾眉形若  
蠶蛾眉也梁劉孝綽同武陵王看伎詩送態表聲蛾

金梭浙瀝透空薄

金梭注  
見上

翦落交刀

一作鮫綃

吹斷雲

補東  
宮舊

事太子納妃有龍  
頭金縷交刀四

張家公子夜聞雨

補漢五行志成帝  
時童謠云燕燕尾

涎涎張公子時相見  
謂富平侯張放也

夜向蘭堂思楚舞

張衡南都賦揖  
讓而升宴於蘭

堂史記戚夫人泣上曰  
為我楚舞吾為若楚歌蟬衫麟帶壓愁香

梁簡文帝詩  
衫薄擬蟬輕

李賀詩玉刻偷得鴛鴦樂府詩集作黃鴛鎖樂府詩集作銷金縷補劉

東飛伯勞歌瓊管含蘭氣嬌語悲補洛神賦含辭胡槽

雪腕鴛鴦絲嗣立案張籍詩黃金捍撥紫槽晉樂府

蜀琴欲奏雙行經朱絲繁腕繩真如白雪凝李白詩

驚鴛弦何敬容曰欲持荷作柱荷弱不勝梁欲持荷作鏡荷暗本無光楊柳風多不自持嗣立案世說補江從簡小

元帝春別應令詩門前楊柳亂如絲綺羅不自持回頻笑

語西窗客星斗寥寥波脈脈古詩盈盈一水不逐秦王

卷象牀嗣立案晉樂志成帝咸康七年用顧臻袁除高

樂府古題要解秦王卷衣曲言咸陽春景及宮闕之美  
秦王卷衣以贈所歡也戰國策孟嘗君出行國至楚獻  
象牀注象齒為牀鮑昭白滿樓明月梨花白補劉孝綽  
紆歌象牀瑤席鎮犀渠  
詠梨花詩詎匹龍樓下素藥映華扉

張靜婉采蓮曲

并序。曲一作歌

靜婉羊侶伎也其容絕世侶自為采蓮二曲今樂府  
所存失其故意因歌以俟采詩者事具載梁史

補南史羊

侶字祖忻泰山梁父人善音律自造采蓮擢歌二曲  
甚有新致姬妾列侍窮極奢靡有舞人張淨琬腰圍  
一尺六寸時人咸推能掌上舞淨琬靜婉同



蘭膏墜髮紅玉春

補宋玉招魂蘭膏明燭華容備些注以蘭香練膏也西京雜記趙飛燕與

女弟昭儀並色如紅玉為當時第一皆專寵後宮

燕釵拖頸拋盤雲

補郭子橫洞冥記元

鼎元年起昭靈閣有神女留一玉釵帝以賜趙婕妤元鳳中宮人謀欲碎之視釵押惟見白燕升天宮人因作

玉燕釵詩

城西楊柳向嬌

一作橋

晚門前溝水波粼粼

補謝

桃詩垂楊陰御溝古今注長安御溝謂之楊溝植楊於其上詩揚之水白石粼粼

麒麟公子朝

天客

注見上

珂

一作珮

馬璫璫

才調集作堂堂

度春陌

補西京雜記長安盛飾鞍

馬競加雕鏤皆以南海白蜃為珂猶以掌中無力舞衣不鳴為患或加以鈴鐺走則如撞鐘磬

輕補飛燕外傳成帝獲飛燕身輕欲不勝風恐翦斷魚其飄翥帝為造水晶盤令宮人掌之而歌舞

鮑破春碧

張華博物志鮑人從水中出曾寄寓人家積日賣鮑鮑人臨去從主人索器泣而出珠滿

盤以與主人嗣立案任昉述異記鮑人即泉先也又名泉客南海出鮑綃紗泉先潛織一名龍紗其價百餘金

以為服入抱月飄煙一尺腰靜婉腰圍一尺六寸能掌

上舞唐人作楊柳枝詞麝臍龍髓一作憐嬌饒一作饒

云認得羊家靜婉腰前皮內別有膜袋裏之每為人逐迫即投巖急自舉爪

皆焦黃酉陽雜俎龍腦香樹出婆利國亦出波斯國樹

高八九丈大可六七圍葉員而背白無花實香在木心中斷其樹劈取之膏於樹端流出斫樹作坎而承之

秋羅拂水碎光連

連古文動字補梁元帝蕩婦露重花秋思賦秋水文波秋雲似羅

多香不銷灘驚交交

一作膠膠

塘水滿

吳都賦灘驚鴈鵝綠注水鳥也詳卷六

萍金

才調集作如

粟蓮莖短

補謝靈運詩綠蘋初齊葉

一夜西風送雨來

粉痕零落愁紅淺

杜甫詩露冷蓮房墜粉紅

船頭折藕絲暗牽

嗣立案梁

簡文帝權歌行葉亂由牽符絲飄為折蓮采蓮荷絲傍皓脫菱角遠牽衣

藕根蓮子相留連

嗣立案樂府青陽歌曲下有竝根藕上有同心蓮

郎心似月月易

一作缺謝靈

賦昨三五兮既滿今二八兮將缺

十五十六清光員

嗣立案鮑昭玩月詩三五二八時千

里與君同沈約詠月詩洞房珠未曉清光信悠哉

# 湘宮人歌

池塘芳意溼

楊師道春朝閒步詩池塘藉芳草

夜半東風起生綠畫羅

屏

西京雜記昭陽殿中設木畫屏風文如蜘蛛絲縷

金壺貯春水

補殷鑒刻漏法為器三重

門皆徑尺差立於方與跼蹐之上為金龍口吐水轉注入跼蹐經緯之中鮑昭詩金壺啟夕論注金壺之漏已

波 啟夕黃粉楚宮人

酉陽雜俎近代妝尚靨如射月曰黃星靨李賀詩入苑白泱泱宮人正靨

黃方飛

一作芳花

玉刻鱗娟娟照棊燭不語兩含嚙

原注讀曲歌明

鐙照空局悠然未有期

黃曇子歌

補郭茂倩樂府詩集晉書五行志桓石民為荊州百姓忽歌黃曇子曲後石民

死王忱為荊州之應黃曇子王忱字也案橫吹曲李延年二十八解有黃臯子不知與此同否

凡歌辭考之與事不合者但因具聲而作歌爾

參差綠蒲短搖豔雲

一作春

塘滿

補塘上

行古詞蒲生紅

激蕩融融鴛鴦灘驚暖萋芊小城

一作成路馬上修蛾嬾

曹植洛神賦修眉峨峨

羅衫裏回

一作向

風

補上聲歌新衫繡兩端

塵羅裙點粉金鸞卵

補國語鳥翼殷卵

感策歌

原注李相伎人吹。補樂府雜錄感策者本龜茲國樂亦名悲栗以竹為管以蘆為

首其聲悲栗有類於笛也嗣立案桂苑叢談咸通中丞相李蔚自大梁移鎮淮海浙右小校薛陽陶監押度支運米入城公喜其姓名有同巢日朱崖李相左右者遂令試詢之果是舊人公

甚喜留止別館一日召陽陶遊詢其所聞及往  
日蘆管之事薛因獻朱崖李相陸暢元白所撰  
歌一軸公益喜之次出蘆管於賞心亭奏之其  
管絕微每於一感策中常客三管聲如天際自  
然而來情思寬閒公大嘉賞之贈詩有云虛心  
鐵質雁銜餘鳳吹龍吟定不如劉煦舊唐書李  
蔚咸通中以京兆尹太常卿同平章事加中書  
侍郎罷相出為山南東道節度使宣武軍節度  
觀察等使轉淮南節度副大使本集有  
獻淮南李僕射五十韻詩可以參考

蠟煙如霧新蟾滿

韓翃詩日莫漢宮傳蠟燭輕煙散入  
五侯家補古詩三五明月滿四五蟾

缺門外沙平

一作

沙艸牙短

補李肇國史補凡拜相禮絕  
班行府縣載沙填路自私第

至于城東街  
名曰沙隄

黑頭丞相九天歸

世說諸葛道明初過江  
左丞相謂曰明府當為

黑頭公夜聽飛瓊吹羽管漢武故事西王母命侍女許飛瓊鼓震靈之簧情遠氣

調蘭蕙熏補宋玉神女賦吐芬芳具若蘭天香瑞彩含綢繡補易天地綢繡萬物

化皓然纖指都揭血日暝碧霄無片雲含商咀徵雙幽

咽鮑昭白紵歌含商咀徵歌露晞輭殼疎羅共蕭屑一作瑟補子虛賦維纖羅垂霧縠拾

遺記吳主趙夫人拚髮以神膠續之乃織為羅縠累月而成就之為幔內外視之飄飄如煙氣輕動而房中自

涼何遜詩長風正騷屑不盡長員疊翠愁柳風吹破澄潭月鳴梭

浙瀝金絲樂恨語殷勤隴頭水補樂府隴頭歌隴頭流水鳴聲幽咽遙望秦川

肝腸斷絕漢將營前萬里沙地里志萊陽夾河而岸沙更深長二百餘里名萬里沙

一一霜鴻起

鮑昭詩霜鴻高落塞

十二樓前花正繁

補漢郊祀志方士有言黃

帝時為五城十二樓以候神人之於執期應劭曰昆侖玄圃五城十二樓僊人之所常居

交枝簇蒂

連壁

一作壁

門

王融遊僊詩涼月舉

景陽宮女正愁絕

宮苑記齊武帝置鐘

景陽樓上令宮人聞鐘聲竝起妝飾詳見上

莫使此聲催斷魂

補江淹恨賦一旦魂斷

### 照影曲

景陽妝罷瓊窗暎

注見上

欲照澄明香步嬾

孟浩然詩澄明愛水物補

王子年拾遺記石崇飾沈水之香如塵末布致象牀上使所愛踐之無迹即賜真珠百粒若有迹者則節其飲食令體輕弱梁元帝烏栖曲蘭房橋上衣多抱彩雲

江淹



詩日莫掩嶽合  
參差彩雲重

金鮮

才調集作鱗

不動春塘滿

沈約詩白黃水滿春塘

印額山輕為塵

補梁簡文帝詩同安鬟裏撥異作額間黃庚信樂府眉心濃黛直點額角輕黃

細安翠鱗紅褥俱含頻桃花百媚如欲語

補古詩自思花容古樂府

我百媚娘李白詩荷花嬌欲語愁殺蕩舟人

曾為一作謂

無雙今兩月

補古樂府纖纖

作細步精妙世無雙

公無渡河

一作拂舞詞嗣立案樂府古題要解公無渡河本瑩篴引霍里子高晨起刺船

見一白首狂夫披髮攜壺亂流而渡其妻隨止之不及遂溺死於是其妻援瑩篴而鼓之作歌

曰公無渡河公竟渡河墮河而死當奈何聲甚悽愴曲終亦投河而死子高還語其妻麗玉

麗玉傷之乃引瑩篴寫其聲聞者莫不墮淚  
飲泣麗玉以其聲傳鄰女麗客名曰瑩篴引

黃河怒浪連天來

爾雅河出昆侖墟所渠并千七百一  
川色黃李白將進酒君不見黃河之

水天

大響欲欲

一作肱肱

如殷雷

補揚子法言非雷非霆  
殷殷欲欲詩殷其雷

龍

伯驅風不敢上

補列子龍伯之國河圖玉版昆侖以北  
九萬里龍伯國人長三十丈萬八千歲

百川噴雪高崔嵬二十三

一作五

弦何太哀

嗣立案周禮  
樂器圖雅瑟

二十三弦頌瑟二十五弦呂氏春秋朱襄氏作五弦瑟  
以采陰氣以定羣生替叟乃拌五弦為十五弦之瑟命

之曰大章舜立乃益八弦為二十三弦之瑟高氏小史  
太昊作二十五弦瑩篴漢書郊祀志秦帝使素女鼓五

十弦瑟悲帝禁不止故  
破其瑟為二十五弦

請公莫渡立裴回

注見上

下有狂

蛟鋸為尾

補王建公無渡河蛟龍齒尸魚食血

裂帆截櫂磨霜齒

補張正見公無

渡河櫂折桃花水帆橫竹箭流李神椎鑿石塞神潭晉書

祖約傳約曰假有神椎必有神槌

白馬趁趨赤塵起

補吳都賦趁趨驅逐

衆多貌公乎躍馬揚玉鞭見卷滅沒高蹄日千里

孫卿子騏驎一

日千里

太液池歌

嗣立樂漢書作建章宮其北治大池漸臺高二十餘丈名曰泰液池中有蓬萊

方丈瀛洲壺梁象海中神山龜魚之屬師古曰太液池者言其津潤所及廣也西京雜記太液

池邊皆是彫胡紫萼綠節之類菰之有米者長安謂為彫胡葭蘆之未解葉者謂之紫萼菰之

有首者謂之綠節其間鳬雛雁子布滿充積又多紫龜綠鼈池邊多平沙沙上鵝鵙鵙鵙鵙

鴻鵙動輒成羣

腥鮮龍氣連清防

嗣立案三輔故事太液池北岸有石魚長二丈島五尺西岸有石龜三枚

長六尺夏侯沖答潘岳詩相思限清防顧延之詩跼蹐清防密注清防謂屏風也一云防扞水者周禮以防止水劉楨詩流花風漾漾吹細光補梁簡文帝詩疊瀾不波為魚防

定照天井倒影蕩搖

一作漾

晴翠長

西京賦帶倒茄于藻井披紅葩之狎獵補

陵陽子明經倒景氣去地四千里其景皆倒在下景影同平碧淺春生綠塘雲客雨

態連春蒼

宋玉高唐賦朝為行雲暮為行雨

夜深銀漢通柏梁

漢書元鼎二年

春起柏梁臺漢武故事以

二十八宿朝玉堂

補後漢書論中興二

香柏為之香聞數十里

名故

雞場歌

嗣立案南史東昏侯置射雞場二百十六處每出輒與鷹犬隊主徐令孫媒翳隊主

俞靈韻齊馬而走左右爭逐之

芙蓉萋萋接煙樹

一作曙詩其葉萋萋

雞鳴埭上梨花露上見彩

仗鏘鏘已合圍

李陵答蘇武書單于臨陳觀自合圍

繡翎白頸遙相妒

補潘

岳肘堆賦灼繡頭而袞背又標雌妒異條來忽往

雕尾扇張金縷高砵鈴素拂

驪駒豪

補說文驪馬深黑色何承天纂文馬二歲為駒補古樂府何以識夫墀白馬從驪駒綠場

紅迹來

一作未相接箭發銅一作狼牙傷彩毛嗣立案齊東

帷帳及步障皆裕以綠紅錦金銀鏤弩牙瑇瑁帖箭南越志龍川有營澗常有銅牙弩流出水皆以銀黃雕鏤

取之者久而後得父老云越王弩營也杜甫詩正觀銅牙弩麥隴桑陰小山晚六虬

歸去凝笳遠

補司馬相如上林賦來鏤象六玉虬謝朓鼓吹曲凝笳翼高蓋李善注徐引聲謂之

城頭卻望幾含情青

一作春畝春一作青蕪連古一作石苑

嗣立案齊東晉侯紀郊郭四民皆廢業樵蘇路斷金陵志齊東晉侯即臺城閶武堂為芳樂苑山石皆塗以采

色跨池水立紫閣諸樓觀又於苑中立店肆以潘妃為市令又作土山開渠立堞苑中時百姓歌云閱武堂種

楊柳至尊屠  
肉潘妃酤酒

雍臺歌

補古今樂錄梁鼓角橫吹舊曲有大白淨  
皇太子小白淨皇太子雍臺掄臺胡遵利

粒女淳于王捉搦東平劉生單迪歷魯爽半和  
企喻比跋胡度來十四曲三曲有歌十一曲亡

梁武帝曲日落登  
雍臺佳人殊未來

太子池南樓百尺

補徐爰釋問注西明內有太子池孫  
權子和所穿有土山臺晉帝在儲宮

所築故俗呼太子池吳均雍臺詩雍臺十二  
樓樓樓鬱相望淮南王詞百尺高樓與天連  
一作窗

新樹疎簾隔

補徐悱詩忽有當  
窗樹兼含映日花  
黃金鋪首畫鈎陳  
揚雄  
甘泉

賦排玉戶而颺金鋪兮補蜀都賦金鋪交映劉淵林曰  
金鋪門鋪首以金為之星經句陳六星為六宮亦主六

軍晉天文志句陳六星在紫宮中羽葆亭童拂交戟志

先主傳先主少時與宗中諸小兒於樹下戲言吾必當

乘此羽葆蓋車補射雉賦擊場往翳停僮蔥翠善曰停

僮翳貌也停僮亭童同史記交戟之盤紆闌楯臨高臺

衛士欲止不內庾信詩交戟映形闌楯臨高臺

帳殿一作帳臨流鸞扇開補庾肩吾曲水詩回川入帳殿

筵大唐六典尚舍奉御凡大駕行幸頒設三部帳幕帳

皆烏毼為表朱綾為覆下有紫帷方座金銅行牀覆以

簾其外置排城以為蔽扞庾信早雁驚鳴細波起補沈

詩思為鸞翼扇願備明光宮

雁門早鴻映花鹵簿龍飛回嗣立恭封演見聞記輿車

離離度

自秦漢以來始有其名蔡邕獨斷載鹵簿有大駕小駕

法駕之異而不詳鹵簿之義案字書鹵大櫛也字亦作



槽又作楠音義皆同園以甲為之所以扞敵賈誼過秦  
論云伏尸百萬流血漂園是也甲楠有先後部伍之次  
皆著之簿園籍天子出入則案次導從故  
謂之園簿耳陸機詩吳實龍飛劉亦岳立

### 吳苑行

嗣立案趙氏吳越春秋吳王闔閭治宮室  
立射臺於安里華池在平昌南城宮在長

樂園閭出入游臥秋冬治於城中春夏治於城  
外治姑蘇之臺旦食鮪山畫遊蘇臺射於鵝陂  
馳於游臺興樂  
石城走犬長洲

錦雉雙飛梅結子平春遠綠窗中起吳江澹畫水連空

### 三尺屏風隔千里

嗣立案杜甫戲題畫山水圖歌尤工  
遠勢古莫比咫尺應須論萬里焉得

升川快翦刀翦  
取吳松半江水

### 小苑有門紅一作

扇開

補何遜南苑詩  
苑門闢千扇苑

戶開萬扉

天絲舞蝶俱

一作共

裴回

補梁簡文帝春日詩落綺花隨燕入游絲帶蝶驚綺

戶雕楹長若此

補張衡七命雕堂綺欄西京賦雕楹玉碣

韶光歲歲如歸來

梁元帝纂要春曰韶景

常林歡歌

嗣立案唐書樂志常林歡疑宋梁間曲宋梁之世荆雍為南方重鎮皆皇子為

之收江左詞詠莫不稱之以為樂土故隋王誕作襄陽之歌齊武帝追憶樊鄧梁簡文帝樂府

歌云分手桃林岸送別峴山頭若欲寄音信漢水向東流又曰宜城酒令行熟停鞍繫馬楚

樓宿桃林在漢水上宜城在荊州北荊州有長林縣江南謂情人為歡常長聲相近蓋樂人誤

謂長為常通典常林歡蓋宋齊間曲

宜城酒熟花覆橋

補劉孝儀謝酒啟奉教垂賜宜城酒四器李肇國史補酒則宜城之九醞

沙晴綠鴨鳴咬咬

一作交交蔡洪鴨禮桑繞舍麥如尾賦冠範綠以耀首

補宋玉笛賦麥秀漸兮鳥華翼埤蒼曰漸麥芒也

幽軋鳴機雙燕巢

補梁武陵王紀詩昨

夜夢君歸賤妾下鳴機古詩思為雙飛燕銜泥巢君屋

馬聲特特荆門道

補盛弘之荆州

記郡西沂江六十里南岸有山曰荆門鄒道元水經注荆山在南上合下開狀似門蠻水揚光色

如艸

太康地記荆州古蠻服之地

錦薦金鑪夢正長

補鄒中記石李龍作席以金裹

五香雜以五采綫編蒲皮緣之以錦徐悱贈內詩網蟲生錦薦游塵掩玉牀司馬相如美人賦金鑪香熏黼帳

長東家呢

一作

喔雞鳴早

補射雉賦良遊呢喔引之規裏徐陵烏栖曲惟憎無賴汝

南雞天河未  
落猶爭蹄

塞寒行

補漢書匈奴傳秦始皇帝使蒙恬將數十萬之衆北擊胡悉收河南地因河為塞築

四十四縣城臨河徙適戍以充之

燕弓弦勁霜封瓦

列子燕角之弧朔蓬之幹補陸機擬古詩凝霜封其條

樸敫寒

雕睇平野

本草集解雕一名鷲黑色健飛擊沙漠中空中盤旋無細不覩鮑照詩平野起秋塵

點黃塵起雁喧

杜甫詩黃塵翳沙漠

白龍堆下千蹄馬

漢書匈奴傳豈為康

居烏孫能踰白龍堆而寇西邊哉迺以制匈奴也孟康曰龍堆形如土龍身無頭有尾高大者二三丈婢者丈餘皆東北向相似堆在西域中嗣立案徐注貨殖傳陸地牧馬二百蹄牛蹄角千

河源怒觸

才調

集作

風如刀

山海經昆侖之丘河水出焉王昌齡塞下曲飲馬渡秋水寒風似刀

剪斷

朔雲天更高

宋玉九辨天高而氣清

晚出榆關

一作林

逐征北

地

志榆關一名臨關在漢中補吳筠春怨君去住榆關要留住幽谷

驚沙飛迸衝貂

一作征

袍心許凌煙名不滅

唐書貞觀十七年二月圖功臣於凌煙閣補兩京記大極宮中有凌

煙閣在凝陰殿內功臣間在凌煙閣南

年年錦字傷離別

晉書竇滔妻蘇氏名蕙字若蘭

滔為秦州刺史被徙流沙蘇氏思之織錦為回文旋圖詩以贈滔宛轉循環讀之詞甚悽惋凡八百四十字

彩毫一畫竟何榮

補西京雜記天子筆管以錯寶為附毛皆以秋兔之毫唐書詔閣立本畫

凌煙閣功臣二十四圖上自為贊南部新書畫功臣皆北面設三隅內一層畫功高宰輔外一層寫功高侯王

又外一層空

一作長

使青樓泣

才調集作淚

成血

曹植美女篇青樓臨大路

補南史齊武帝興光樓上施青漆世人謂之青樓吳筠閨怨非獨淚如絲亦見珠成血

湖陰詞

升序

王敦舉兵至湖陰明帝微行視其營伍由是樂府有

湖陰曲而亡其詞因作而附之

嗣立案晉書明帝紀大寧二年六月王敦

將舉兵內向帝密知之乃乘巴滇駿馬微行至湖陰察敦營壘而出敦正晝寢夢日環其城驚起曰此必黃須鮮卑奴來也使騎追帝帝見逆旅賣食嫗以七寶鞭與之曰後騎來可以此示也追者至問嫗嫗曰去已遠矣因以鞭示之五騎傳玩稽留良久帝僅而獲免案晉書地里志于湖縣名屬丹陽郡楊慎曰

帝至于湖為句陰察營  
壘為句溫作湖陰誤也

祖龍黃須珊瑚鞭鐵驄金面青連錢

嗣立案異苑王敦  
頓軍姑孰明帝躬

往覘之數晝寢卓然驚悟曰營中有黃須鮮卑奴來何  
不縛取帝所生母荀氏燕國人故貌類焉世說新語明  
帝著戎服騎巴賁馬齋一金馬鞭陰察軍形勢梁元帝  
詩照耀珊瑚鞭沈炯樂府驄馬鐵連錢爾雅青驪驪曰  
驪注色斑駁如魚  
鱗今連錢驄也虎顙一作拔劍欲成夢日壓賊營如

血鮮海旗風急驚眠起甲重光搖照湖水蒼黃追騎塵

外歸森索妖星陳前死

事俱詳上嗣立案晉書天文志  
永昌元年七月甲午有流星大

如瓮長百餘丈青赤色從西方來尾分為百餘歧或散  
時王敗之亂百姓流亡之應也又案晉宣帝紀公孫文

聽反時有長星墜於梁水帝縱兵擊之斬於梁水星五  
墜之所此句蓋借用此事也。以上八句實叙其事

陵愁碧春萋萋

嗣立案王敦傳敦又大起營府侵人田  
宅發掘古墓剽掠市道士庶解體咸知

其禍敗焉班固西  
都賦北眺五陵

灞川玉馬空中嘶

尊瑞應圖王者清明  
則玉馬至嗣

立案晉書新蔡王騰初發井州次於真定值大雪平地  
數尺營門前方數丈雪融不積騰怪而問之得玉馬高

尺許奏獻之徐注聞奇錄沈傳師為宣武節度堂前馬  
嘶掘地深丈餘得一穴有玉馬高三寸長五寸嘶則若

壯馬聲前有金槽中碎  
碌砂如菜豆而金色也

羽書如電入青瑣

漢書赤墀青  
瑣孟康曰以

青畫戶邊鏤中天子制也師古  
曰刻為連鎖文而以青塗之也雪腕如槌催畫鞞

嗣立  
案禮

記月令仲夏命樂師修鞞鞞鼓。以上四句追叙亂離  
及徵發諸路刺史也案晉書丁卯加司徒王導大都督



揚州刺史徵徐州王邃豫州祖約兖州  
劉遐臨淮蘇峻廣陵陶瞻等還衛京師  
白虬天子金鉉

鉉晉書天文志董養曰白者金色國  
之行也甘泉賦駟蒼螭兮六素虬  
高臨帝座回龍章

漢書天文志中端門左右掖門掖門內六星諸侯其內  
五星五帝座又紫微宮北極五星其第二星謂之帝座

徐注郊特牲旂十有二旒  
龍章而設日月以象天也  
吳波不動楚山晚花壓闌干

春晝長  
嗣立案江淹西州曲闌干十二曲垂手明如玉  
以上四句謂殷滅還宮重慶升平也司馬光

資治通鑑王殷使王含錢鳳鄧岳周撫等帥眾向京師  
帝乃帥諸軍出屯南皇堂夜募壯士遣將軍段秀等帥

千人渡水明旦戰於越城大破之秀匹殫弟也殷聞含  
敗尋卒殷黨悉平。殷本鎮武昌及謀篡位諷朝廷徵

已移鎮姑孰  
故結語云然

蔣侯神歌

嗣立案蔣子文傳蔣子文者廣陵人也  
省酒好色佻達無度常自謂青骨死當

為神漢末為秣陵尉遂賊至鍾山下賊擊傷額  
因解綬縛之有頃遂死金陵志子文為秣陵尉

遂盜至鍾山死而靈異吳大帝立廟孫陵因封  
為中郎侯改鍾山曰蔣山晉加相國重為立廟

南宋初廢後修復封  
蔣王齊進號將帝

楚神鐵馬金鳴珂夜動蛟潭生素波商風刮水報西帝

廟前古樹蟠白蛇

嗣立案南史臨汝侯蕭猷與楚王廟  
神交飲至一斛每酹祀盡歡極醉神

影亦有酒色所禱必從後為益州刺史時江陽人齊苟  
兒反眾十萬攻州城猷兵糧俱盡人有異心乃遙禱請

教是日有田老逢一騎絡鐵從東方來問去城幾里曰  
百四十時日已晡騎舉稍曰後人來可令之疾馬欲及

日破賊俄有數百騎如風一騎過請飲田老問為誰曰  
吳興楚王來救臨汝侯當此時廟中請祈無驗十餘日  
乃見侍衛土偶皆泥濕如汗者南史曹景宗傳梁旱甚  
詔祈將帝神求雨十旬不降武帝怒命載荻欲焚廟升  
神影爾日開朗欲起火當神上忽有雲如繖倏忽驟雨  
如渴臺中宮殿皆自振動帝懼馳詔追停少時還靜自  
此帝畏信遂深自踐阼以來未嘗躬自到廟於是備法  
駕將朝臣修謁是時魏軍攻鍾離將帝神報救必圍許  
扶助既而無雨水長遂挫敵人亦神之力量馬凱旋之後  
廟中人馬脚盡有泥濕當時並目覩焉杜甫詩鐵馬汗  
常趨金陵志鍾山北一峰最高其顛有泉泉西為黑龍  
潭相傳曾有龍見劉歆遂初賦遭陽侯之豐沛兮乘素  
波以聊戾梁元帝纂要秋風曰商風補吳王赤斧砍雲  
史記嫗曰吾子白帝子也化為蛟當道

陳畫堂列辟叢

一作戰排

霜刃巫娥傳意託悲絲鐸語琅琅

理雙鬢

嗣立案干寶搜神記吳先主之初其故吏見文於道來白馬執白扇侍從如平生見者驚走文

追之謂曰我當為此土地神以福爾下民爾可宣告百姓為我立祠不爾將有大咎是歲夏大疫百姓輒相恐動頗有竊祠之者矣又下巫祝吾將大啟祐孫氏宜為我立祠不爾將使蟲入人耳為災俄而有小蟲如鹿蠻人耳皆死醫不能治百姓愈恐孫主未之信也又下巫祝若不祀我將又以大火為災是歲火災大發一日數十處火及公宮孫主患之議者以為鬼有所歸乃不為厲宜有以撫之於是使使者封子文為中都侯加印綬為廟堂轉號鍾山為蔣山今建康東北蔣山是也自是災厲止息百姓遂大事之徐陵闕山月雲陳上祁連補杜甫詩古壁畫龍蛇吳都賦剛鏃潤霜刃染詳卷湘六唐書樂志鐸舞漢曲也古今樂錄鐸舞者所持也

煙刷翠湘山斜東方日出飛神雅青雲自有黑龍子潘

妃莫結丁香花

嗣立案劉敬叔異苑青溪小姑廟云是  
蔣侯第三妹廟中有大殺扶疎鳥常產

育其上晉太元中陳郡謝慶執彈來馬綴殺數頭即覺  
體中栗然至夜夢一女子衣裳楚楚怒云此鳥是我所  
養何故見侵經日謝卒慶名與靈運父也建業志宋元  
嘉中蔣陵湖有黑龍見改名玄武湖南史東昏侯紀潘  
貴妃偏信蔣侯神迎來入宮晝夜祈禱左右朱光尚詐  
云見神動輒詔啓並云降福始安之平遂加位相國未又  
號為靈帝車服羽儀一依王者補本州丁香出交廣木  
類桂高丈餘葉似櫟陵冬不凋花員細黃色其子出枝  
藥上如丁香子中有麝大如山茱萸者謂之女丁香案陳  
藏器云丁香中有擊之則順理而解為兩向杜少陵詩丁香  
體柔弱亂結枝猶墊李義山詩本是丁香  
香樹春條結始生蓋其合則為結也

漢皇迎春詞

嗣立案荀悅漢紀成帝以宣帝時生  
號曰世適皇孫宣帝愛之自名曰鶯

守太孫禮記月令立春之日天子親帥  
三公九卿諸侯大夫以迎春於東郊

春艸芊芊晴婦

一作拂

煙

宋玉高唐賦仰視

宮城大錦紅

殷於閑

鮮

補揚雄甘泉賦

曳紅采之流離兮

賜翠氣之

宛延左傳左輪

朱殷杜甫詩

象牀玉手亂殷

紅孫恤廣韻

海日如一作

融照僊掌

以西郊賦抗僊掌

淮

殷亦黑色

王小队

一作

纓鈴響

補神僊傳淮南王安好道有八公

詣門須眉皓白王以其老難問之

王公皆變為童子角髻青絲色如桃花王疏而迎登思

僊之臺執弟子禮八童子乃復為老人西京雜記淮南

王好方士方士皆以術見遂有畫地成江河撮土為山

嚴虛吸為寒暑噴救為雨霧王卒與方士俱去真誥老

君佩神虎之符帶流金之鈴雲

獵獵東風展燄

一作旗

燄赤

旗

箋七籤左佩玉瑞右腰金鈴

獵獵東風展燄

一作旗

君佩神虎之符帶流金之鈴雲

獵獵東風展燄

一作旗

燄赤

旗

箋七籤左佩玉瑞右腰金鈴

獵獵東風展燄

一作旗

燄赤

旗

獵獵東風展燄

一作旗

燄赤

旗

畫神金甲蔥龍網

嗣立案荀悅漢紀匡衡奏議甘泉紫微殿有文章刻鏤黼黻文繡之飾又

置女樂石壇僊人祠瘞鷹格駢駒偶人龍馬之屬古詞烏夜啼龍蔥窗不開烏夜啼夜望郎來

鉅公

步輦迎句芒

嗣立案封禪書見一父老牽狗言欲見巨公已忽不見禮記月令孟春之月其神句

芒複道埽

一作拂

塵驚

一作燕

彗長

秦本紀殿屋複道周閣相屬補蔡邕獨斷天子

出前驅有鸞旗車編羽毛列繁幢傍俗名雞翹車

豹尾竿前趙飛燕

補揚雄傳是時趙昭

儀方大幸每上甘泉常法從在屬車間豹尾中服度曰大駕八十一乘最後一乘懸豹尾漢書外戚傳趙后屬

陽阿主家學歌舞號曰飛燕師古曰以其體輕也

柳風吹盡眉間黃

注見上。額上圖黃

漢宮妝也案楊慎曰溫飛卿詩豹尾車前趙飛燕柳風吹散蛾間黃王荊公詩漢宮嬌額半塗黃其制已起於

漢但未知  
所出耳

碧艸含情杏花喜上林鸞轉游絲起

補衛宏漢舊儀

上林苑中廣長三百里離宮七十所中容千乘萬騎

寶馬搖環萬騎歸

嗣立案西京雜記與

駕祠甘泉備千乘萬騎太僕執轡太將軍陪來名恩光為大駕甘泉賦敷萬騎於中營兮方玉車之千乘

恩光

暗入簾櫳裏

嗣立案荀悅漢紀趙后本長安宮人後屬陽阿公主上徽行公主家見而悅之及女

弟俱為使仔責傾後宮趙后既立而弟絕幸為昭陽舍其中庭彤朱而壁髹漆砌皆銅沓黃金塗白玉陸金缸

函藍田壁明珠翠羽飾之自有宮室以來未之有也

嗣立案漢書郊祀志成帝末年頗好鬼神亦以無繼嗣故多上書言祭祀方術者皆得待詔祠祭上林苑

中長安城旁費用甚多成帝紀永始三年冬十月詔有司復甘泉泰畤汾陰后土雍五畤陳倉陳寶祠四



牛春正月行幸甘泉宮郊泰時揚雄甘泉賦序上方  
郊祀甘泉泰時汾陰后土以求繼嗣此篇細玩詩意  
知漢皇為成帝無疑也原注誤為漢高祖  
則詩中豹尾竿前趙飛燕句將何所指耶

溫飛卿詩集箋注卷一

欽定四庫全書

溫飛卿詩集箋注卷二

明 曾益 撰

長洲顧 子咸 嗣立 補

蘭塘詞

維揚志畧蘭塘浦東接得勝湖西接海陵中植蓮蕩菱芡唐時為勝遊處

塘水汪汪鳬唼喋

上林賦唼喋菁藻咀爵菱蕩通俗文水鳥食謂之唼唼與喋同憶上

江南木蘭檝

薛道衡詩新船木蘭檝詳卷四繡領一作

金須蕩倒光

補漢

書廣川王去姬為去刺方領繡晉灼曰今之婦人直領也繡為方領上刺作繡散文吳筠雜句繡領合歡斜

團團皺綠雞頭葉

稽含州木狀雞頭一名雞壘葉感蚬如沸有芒刺補方言南楚謂之雞頭

北燕謂之葭青徐露凝荷卷珠淨員紫菱刺短浮根纏

爾雅菱一名薢茳埤雅菱白花小姑歸晚紅妝淺隋場帝詩

菱潭落日雙鳬舫綠水紅妝兩鏡裏芙蓉照水魚補樂府青

陽歌曲青荷蓋綠東溝滴滴一作繡繡勞回首欲寄一栢瓊

液酒補漢武內傳上藥有風實雲子玉知道無郎卻有

情晉樂府青溪小姑曲長教月照相思柳梁簡文帝折楊柳詩曲終

無別意并是為相思

晚歸曲

格格水禽飛帶波孤光斜起夕陽多

沈約詠湖中雁羣浮動輕浪單泛逐

孤湖西山淺似相笑

畫苑春山澹治而如笑

菱刺惹衣攢黛蛾

補煙

花記隋場帝宮人畫長蛾日給螺子黛五斛

青絲繁船

才調集向江木

梁元帝詩向解青絲纜將移丹桂舟

蘭芽出土吳江曲

補鮑

昭白紵歌桃含

水極晴搖泛濫紅

江淹休上人怨別露彩方泛濫月華始衰

回艸平春染煙綿綠玉鞭騎馬白玉

才調集兒麒麟受作楊叛

玉鞭補唐書樂志楊叛兒齊隆昌時女巫之子曰楊昊

少時隨母入宮及長為何后寵重諺云楊婆兒共戲來

所歡語謔遂

刻金作鳳光參差

陳後主楊叛兒曲龍媒玉珂馬鳳軫繡香車

丁丁暖漏滴花影催入景陽人不知一見卷彎隄弱柳遙

相矚

張正見賦得柳春映斜溪  
千仞清溪險三陽弱柳春

崔扇員

一作

員掩香玉

見卷六

蓮塘艇子歸不歸

補江淹西州曲采蓮南塘秋蓮  
花過人頭古樂府莫愁樂艇子

打兩槳催  
送莫愁來

柳暗桑穠聞布穀

廣雅擊穀布穀也以布種  
時鳴傳玄賦吟布穀之晨

鳴

### 故城曲

漠漠沙隄煙隄西雉子斑

樂府古題  
有雉子斑

雉聲何角角

音麥

秀桑陰閒

補枚乘七發麥秀漸兮  
雉朝飛詩桑者閒閒兮

游絲蕩平綠

沈約詩  
游絲映

空轉高楊  
拂地垂

明滅時相續白馬金絡頭

鮑昭樂府  
馬金絡頭

東風

故城曲故城殷貴墳

嗣立案南史殷叔儀麗色巧笑寵冠後宮及薨宋孝武帝常思見之

遂為通替棺欲見輒引替規尸如此積日形色不異追贈貴妃諡曰宣及葬絡輜輶車羽葆鼓吹上自於南掖

門臨過喪車悲不自勝左右莫不掩泣

曾占未來春自從香骨化飛作馬

蹄塵

嗣立案謝莊宋孝武宣貴妃誅銷神躬於壤末散靈魄於天濤

昆明治

一作池

水戰詞

嗣立案漢書武帝元狩三年減隴西北地上郡戍平半發

誦吏穿昆明池臣瓚曰西南夷傳有越雋昆明國有滇池方三百里漢使求身毒國而為昆明所閉今欲伐之故作昆明池象之以習水戰在長安西南西京雜記武帝作昆明池欲伐昆吾

夷教習水戰因而于上游戲養魚魚給諸陵  
廟祭祀餘付長安市賣之池周回四十里

汪汪積水光連空

李百藥遊昆明池詩積水浮深智

重疊細紋交激

一作

漾紅赤帝龍孫鱗甲怒

補漢高帝紀有大蛇當道高祖醉斬蛇有一老嫗哭曰吾子白

帝子也化為蛇當道今者赤帝子斬之杜甫哀王孫高帝子孫盡隆準龍種自與常人殊臨流一眄

一作

生陰風

謝朓詩切陰風暮

鼉鼓三聲報天子

李斯諫逐客書樹靈鼉之

鼓雕旗獸艦凌波起

嗣立案西京雜記昆明池中有戈船樓船各數百艘樓船上建樓櫓

戈船上建戈矛四角悉垂幡旌於葆

雷吼濤驚白若一作

石山石鯨眼裂蟠蛟死

嗣立案西京雜記昆明池刻玉石為鯨魚每至雷雨魚常鳴吼



簪尾皆動漢世祭之以祈雨往往有驗

滇池海浦俱喧逐

補華陽國志澤下流淺狹狀如

倒池故曰滇池李白詩飛湍瀑流爭喧逐

青翰畫鷁

一作幟

相次來

嗣立案說苑鄂

君來青翰之舟子虛賦浮文鷁張揖曰鷁水鳥也畫其象於船首也

箭羽槍纓三百萬跼

翻西海生塵埃

王充論衡漢得西王母石室立西海郡在何凡列僊傳方平笑曰聖人皆言海

中行復揚塵也

茂陵僊去菱花老

補漢書武帝葬茂陵莊子華封人謂堯曰千歲厭世去而

上僊來彼白雲至於帝鄉任希古昆明池詩萍葉疑江上菱花似鏡前

嗟嗟游魚近煙島

嗣立案潘岳關中記漢武習水戰作昆明池人釣魚綸絕而去夢於帝求去其鉤明日帝戲於池見魚銜索帝

取其鉤放之間三日復游池濱得珠一雙帝曰豈非昔魚之報也

渺莽殘陽釣艇歸

庾信

昆明池詩密菱障  
浴島高荷沒釣船  
綠頭江鴨眠沙州

謝公墅歌

補謝安傳安字安石贈太傅更封廬陵  
郡公安於東山營墅樓館林竹甚盛每

攜中外子姪  
往來遊集

朱雀航南繞香陌

南畿志朱雀航即朱雀橋  
地名在城南烏衣巷口

謝郎東墅

連春碧鳩眠高柳日方融

古樂府北綺榭飄飄紫庭客  
柳有鳴鳩

梁武帝遊女曲戲金闕遊紫庭補蔡邕琴操周  
成王琴歌曰鳳凰翔兮紫庭余何德兮感靈

文楸方

對花參差

補杜陽雜編曰本東三萬里有集真島產楸  
玉狀如楸木琢之為棊局光潔可鑑嗣立案

桓譚新論  
張置疏遠

俗有圍棊或言是兵法之類也及為之上者  
多得道而為勝中者務相絕遮要以爭趨利

下者守邊趨作界目生於小地猶薛公之言黥布反也  
上計取吳楚廣道者也中計塞城絕遮要爭利者也下  
計據長沙以臨越北守邊隅趨作界者也更始帝將相  
不能防衛而令界中死暴皆生韋曜博奕論所務不過  
方界心陣未成星滿池李洪謙觀暴詩四座無喧梧竹

靜金蟬玉柄俱持

一作支

頤

董已輿服志侍中中常侍冠武弁大冠加金當跗蟬為文

晉書王衍恒捉白玉柄麈尾

對局含嘖

一作情

見千里

嗣立案謝安傳時符堅強盛疆

場多虞安遣弟石及兄子玄等征討堅百萬火於淮肥  
京師震恐加安征討大都督玄入問計安夷然曰已別  
有旨既而寂然玄令張玄重請安遂命駕出山墅親朋  
畢集方與玄圍碁賄別墅安常碁劣於玄是日玄懼便  
為敵手而又不勝安謂其甥羊曇曰以墅乞汝玄等既  
破堅捷書至安方對客圍碁看書竟便携放牀上碁如

故客問之徐曰小兒輩遂已破賊

都城已得長蛇尾

嗣立案謝朓八公山詩長蛇固能翦

李善曰長蛇喻堅也

江南王氣繫疎襟

補孫盛晉陽秋秦時望氣者曰東南有天子氣五百

年有王者興至晉元帝適逢其時

未許符堅過淮水

嗣立案謝玄傳符堅兵次項城詔以

玄為前鋒距之堅列陳肥水玄以精銳八千渡肥水決戰肥水南堅中流天眾奔潰自相蹈藉投水死者不可勝計肥水為之不流

罩魚歌

雜言。案爾雅籠謂之罩今捕魚籠也

朝罩罩城東

一作南詩南有嘉魚然然罩罩

莫罩罩城西兩槩鳴幽幽

蓮子相高低

嗣立案江淹西州曲兩槩橋頭渡又低頭弄蓮子蓮子清如水

持罩入深

水金鱗大如手

嗣立案古樂府單詞單初何得端來得鮒小者如手大者如履

魚尾迸

員波千珠落湘瀉

江淹蓮花賦著縹菱兮出波擘湘蓮兮映渚

風颼颼雨離

離菱菱

一作尖

刺灘驚飛水連網眼白如景浙瀝蓬聲寒

點微楚岸有花花蓋屋金塘柳色前谿曲

補劉楨公燕詩箇箇溢金

塘寰宇記前溪在烏程縣南東入太湖謂之風渚夾溪悉生箭筈晉車騎將軍沈玩家於此樂府有前溪曲玩

所悠悠

一作落

杳若去無窮五色澄潭鴨頭綠

嗣立案唐書高麗國

有馬謦水出鞞鞞之白山色若鴨頭號鴨綠水李白詩遙看漢水鴨頭綠

# 春洲曲

韶光染色如蛾翠

一見卷

綠濕紅鮮水容媚

補李百藥詩飛日落紅鮮

蘇小慵多蘭渚閒

蘇小注詳下祠立案徐注海錄碎事山陰縣西南二十里有蘭渚

融

融浦日鷓鴣寐

埤雅鷓鴣一名鴝似鳬而脚高有毛冠長日以晴交故云交晴徐注上林賦交

晴旋目

紫騮蹀躞金銜嘶

尸子赤馬黑色曰騮陳後主詩蹀躞紫騮馬照耀白銀鞍

岸

上揚鞭煙艸迷

補江總紫騮馬揚鞭向柳市細蹀上金隄范雲閨思春艸醉春煙

門外

平橋連柳隄歸來晚樹黃鸝啼

補蕭子顯春別黃鳥芳樹情相依

黃

臺城曉朝曲

建業宮闕志臺城在應天府上元縣東北本吳後苑城即晉建業宮在鍾

側山

司馬門前火

一作柳

千炬

嗣立案金陵志建業宮有五門正南曰大司馬門左曰閭闔門

北曰昌平門東西門曰東掖西掖大司馬門與都城宣陽門相對漢書注師古云凡言司馬門者宮垣之內兵衛所在四面皆有司馬主武事故總謂宮之外門為司馬門李肇國史補冬至元日百官已集宰相列燭多至數百炬謂之火城

闌干星

一作北

斗天將曙

古樂府月落參橫北斗闌

干注闌干橫斜貌

朱網龕蓼丞相車

謝朓直中書省詩淡沈映朱網

曉隨疊鼓

朝天去

補衛公兵法日出沒時槌鼓三百三十三槌為一通鼓音止角音動吹十二聲為一疊三角三

鼓而昏也博山鏡樹香茸裊裊浮航金畫龍

晉東宮舊事皇太子

服用則有銅博山香鑪嗣立案劉繪博山香鑪詩蔽虧千種樹出沒萬重山又下刻蟠龍勢矯首半街蓮梁武

帝雍臺詩羊  
大江斂勢避辰極兩一作雙  
闕淡嚴煙翠濃

南史宋孝武大明七年  
於博望梁山立雙闕

走馬樓三更曲

西宗記大福殿重樓連閣繇亘西殿有走馬樓南北長百餘步樓下

即九僊門西入苑拾翠樓在大福殿東北嗣立案南部新書驪山華清宮毀廢已久今所存唯

繚垣耳朝元閣在山嶺之上山腹即長生殿殿東西盤石道自山麓而上道側有飲酒亭子明

皇吹笛樓宮人走馬樓故基猶存繚垣之內杜佑通典一夜分五更者以五夜更易為名也顏

之推曰五夜謂以甲乙丙丁戊記其次第也點者則以下漏滴水為名每一更又分為五點也

西京賦衛以虎威章溝嚴更之署



春姿暖氣昏神沼李樹拳枝紫芽小

補神僊傳老子姓李名耳字伯陽楚

國苦縣賴鄉人也母到李樹下生老子生而能言指李樹曰以此為我姓詳卷四杜甫玄元皇帝廟詩僊李蟠

根大淮南王招隱士偃蹇連卷今枝相緣玉皇夜入未央宮靈異經玉皇居於雲房有紅雲

繞之漢書高祖至長安蕭何作未央宮長火千條照棲鳥馬過平橋通畫

堂一統志西渭橋在舊長安西亦曰平橋唐時名咸陽橋補漢成帝記元帝在太子宮生甲觀畫堂為世適

皇孫詳虎幡一作龍戟風悠一作揚幡嗣立案文獻通考

卷一幡皆絳帛錯采為字上有朱絲小蓋四角垂羅紋佩繫龍頭竿上錯采字下告止為雙鳳傳教為雙白虎信幡

為雙龍又戟有枝兵也木為刃亦簾間一作清唱報寒

質畫雲氣上垂交龍掌五色帶前

點

唐制率更掌漏刻五五令相次為二十  
五點補韓愈東方未明雖三號更五點  
丙舍無人遺

燼香

左傳收合餘燼補後漢清河  
王慶傳後慶以長別居丙舍

嗣立案唐書玄宗第十八子瑁封壽王后妃傳貴妃  
楊氏始為壽王妃開元二十四年武惠妃薨後宮無  
當帝意者或言妃姿質天挺宜充掖庭遂召內禁中  
勾籍女冠號太真天寶四年立為貴妃更為壽王聘  
韋昭訓女末二句即義山詩夜半宴  
歸宮漏永薛王沈醉壽王醒意也

達摩

樂府詩  
集作磨

支曲

雜言。嗣立案樂府詩集近代  
歌辭有達磨支唐僧典天寶十

三載改達磨支為泛蘭叢樂苑泛蘭叢羽調曲  
又有急泛蘭叢樂府雜錄達磨支健舞曲也

擣麝成塵香不滅

秘康論麝食柏  
而香詳卷一

撈蓮作寸絲難絕

江淹

思北歸賦蕩生蓮兮吐絲嗣立案徐注樂府折楊柳歌  
上馬不捉鞭反拗楊柳枝下馬吹長笛愁殺行客兒拗

此本紅淚文姬洛水春范氏後漢書陳留蔡邕女名瑛  
字文姬博學有才辨適河東衛

仲道夫亡無子興平中喪亂為胡騎所獲沒入南匈奴  
左賢王十二年生二子曹公素與伯喈善遣使及金璧

贖之嫁白頭蘇武天山雪蘇武傳單于幽武置大窖中  
與董祀絕不飲食天雨雪武臥齧雪

與旃毛并咽之數日不死匈奴以為神詳卷四補西河  
謠事白山之中有好木匈奴謂之天山廣志西域有白

山通歲有雪亦名雪山漢書注祁連山君不見無愁高  
即天山也匈奴呼天為祁連詳卷三

緯花漫漫補北齊紀後主高緯頗學綴文置文林館引  
諸文士馬融為無愁之曲自彈胡琵琶而唱

之侍和之者以百數人人間謂之無愁天子宮掖婢皆  
封郡君宮女寶衣玉食者五百餘人其嬪嬙諸院中起

鏡殿寶殿瑋瑋殿丹青雕刻妙極當時周師漸逼將遜於陳為周所獲送長安封溫國公至建德七年誣以謀

反賜漳浦宴餘清露寒水經漳水出上黨長子縣發鵠山東過鄴縣西又東北過阜城

縣與一旦臣僚共囚虜徐注吳書秦旦與黃彊等議孰與偷生苟活長為囚虜欲

吹羌笛先沈瀾歐陽建詩揮筆涕沈瀾舊臣頭鬢霜雪才調集作華早

補子夜四時歌感時可惜雄心醉中老萬古春歸夢不為歡歎霜鬢不可視

歸鄴城風雨連天補唐書相州鄴郡屬河北道乾元二年改為鄴城

陽春曲嗣立案古今樂錄梁天監十一年武帝改西曲製江南上雲樂十四曲江南弄七曲

又沈約作四曲三曰陽春曲亦謂之江南弄云樂府解題陽春傷也一云傷時也

雲母空窗曉煙薄

補王褒詩高箱照雲母

香昏龍氣凝暉閣

嗣立案徐

注梁四公記西海山龍腦香詳卷一宋王應麟玉海唐凝暉閣在太極宮

霏霏霧雨杏花天

簾外春威

一作寒

著羅幕

徐注王昌齡春宮曲簾外春寒賜錦袍鮑昭行路難文窗繡戶

垂羅幕

曲闌伏檻金麒麟

補宋玉招魂坐堂伏檻臨曲池些

沙苑芳郊連

翠茵

補元和郡國志沙苑在同州馮翊縣南十二里東西八十里南北三十里其處宜六畜置沙苑監唐

六典沙苑監掌牧隴右諸牧牛馬謝萬春遊賦艸靡靡以成茵

殷馬何能齧芳艸

嗣立案杜

甫沙苑行苑中驟北三十匹豐草青青寒路人不敢隨不死又留花門沙苑臨清渭泉香艸豐潔

流塵

湘東宴曲

補水經注臨承縣即故鄆縣也縣即湘東郡治郡舊治在湘水東故以名郡

湘東夜宴金貂人

梁元帝詩金貂總上流

楚女含情嬌翠嚬玉管

將吹插鈿帶錦囊斜拂雙麒麟

漢武內傳帝見西王母巾笈中有一卷書盛以

紫錦之囊嗣立案徐注杜甫詩瑞錦刺麒麟

重城漏斷孤帆去唯恐瓊籤報

天曙

南史陳文帝每雞人伺漏傳籤於殿中者令投籤於階石上鎗然有聲云吾雖得眠亦令驚覺萬

戶沈沈碧樹員雲飛雨散知何處欲上香車俱脈脈

魏武

帝與楊彪書令贈足下畫輪四望通懣七香車二來樂府青牛白馬七香車

清歌響斷銀屏

隔

補世說桓子野每聞清歌輒喚奈何梁簡文帝美女篇朱願半已醉微笑隱香屏隄外紅塵

蠟一作蜜炬歸樓前澹月連江白

### 東郊行

鬪雞臺下東西道

補郭緣生述征記廣陽門北有鬪雞臺大業拾遺記煬帝遊雞臺恍惚與

陳後主過帝叱之遂不見詳見下曹植名都篇鬪雞東郊道

柳覆斑駁蝶紫

紫州驢馬

蒼黑雜色陳樂府明下童曲陳孔驕赭白陸郎來斑駁案陳孔謂陳瑄孔範陸謂陸瑜皆俊主狎客陳後主長

相思蝶紫

塊靄韶容鎖澹愁

淮南王招隱士塊今軌注霧氣味也

青筐葉

盡蠶應

一作春蠶

老

禮疏蠶三俯三起二十七日而老謂之紅蠶王筠陌上桑秋胡始倚馬羅敷未

滿筐春蠶朝已老安得久仿惶

綠渚幽香注

一作生

白蘋

注見下

差差小浪

吹魚鱗

補淮南子水雲魚鱗

王孫騎馬有歸意

一作思注見下

林彩空中

一作著空

如細塵安得一生

一作人生樂府詩集作人主

各相守燒船破

棧休馳

一作狂

走

史記皆沈船破釜甑漢高帝紀漢王燒絕棧道

世上方

一作多應

無別離路傍更長千枝柳

補三輔黃圖漢人送客至霸橋折柳贈別名曰銷魂橋

水僂謠

嗣立衆侯鯖錄清冷傳馮夷華陰潼鄉隄畔人也服水石得水僂是為河伯莊子注

云以八月庚子浴於南河溺死杜甫詩飄泊南庭老祇應學水僂是也又衆通鑑孫恩赴海死

其黨從死者以百數謂之水僂

水客夜騎紅鯉魚

列僂傳琴高趙人也行涓彭之術游冀州涿郡間二百餘年後入涿水



中取龍子與諸弟子期曰明日皆潔齋候  
於水傍果來赤鯉來留月餘復入水云  
赤鸞雙鶴蓬

瀛書

補山海經女牀之上  
有鳥焉其狀如翟五彩文  
名曰鸞鳥錦帶僊家以  
鶴傳書白雲傳信褚載  
詩惟

教鶴探丹丘信不遣人窺太乙  
鍊十洲輕塵不起雨新  
記漢武帝八節常朝拜靈書以求度脫

霽萬里孤光含碧虛

玄真子碧虛  
之帝生於空露魄

一作冕

冠輕見雲

髮

補溫嶠等傳論奕世登台露  
冕為飾王融詩搔首見雲髮

寒絲七柱

一作冕

香泉咽

夜深天碧亂山姿光碎玉

一作平

波滿船月

嗣立案琴操  
水僊操伯牙

學鼓琴於成連先生三年而成至於精神寂寞情志專  
一尚未能也成連曰吾師子春在海中能移人情乃與  
伯牙延望無人至蓬萊山留伯牙曰吾將迎吾師刺船  
而去旬時不返但聞海水汨汨滿漸之聲山林宵冥羣

烏悲號愴然歎曰先生將移我情乃  
援琴而歌之曲終成連刺船而還

東峰歌

錦礫潺湲玉谿水

說文礫小石也

曉來微雨蕉

一作藤

花紫冉冉

山雞紅尾長一聲樵斧驚飛起松刺梳

一作流

空石差齒

煙香風軟人參藥

藥廣雅人後地精參後同本州似人形者有神補梁書阮孝緒母疾須人

後陳羣曰頗有燕膏唐突人參也

陽厓一夢伴雲根

補張協雜詩雲根臨八極注雲根石

也雲觸石而僊菌靈芝夢魂裏

案南華經注司馬彪曰朝菌大芝也葛稚川云

芝有百種有肉芝菌芝

會昌丙寅豐歲歌

雜言。案舊唐書武宗即位改元會昌在位六年

丙寅歲休牛馬

爾雅太歲在丙曰柔兆在寅曰攝提格尚書歸馬于華山之陽放牛于桃林之

野風如吹煙日如渥赭

詩赫如渥赭

九重天子調天下

宋玉九辨

君之門

春綠將年到西野西野翁生兒童門前好樹青

芊茸芊茸單衣麥田路

甯戚歌短布單衣適至野

邨南娶婦桃花紅

補陳周弘正詠新婚詩

新姑車右

一作石

及門柱

蔡邕

昏賦既臻門屏結軌下車

粉項

一作頸韓憑雙扇中

補搜神記宋康王舍人韓憑妻何氏

美王奪之憑怨自殺何氏乃陰腐其衣從王登臺遂投臺下左右攬其衣不得而死遺書於帶曰願得與憑合

葬王怒乃使里人埋之冢相望也宿昔之間有梓生於  
二冢旬日盈抱屈體相就根交於下枝錯於上又有蒿  
爲雌雄各一恒棲樹上交頸悲鳴補世說溫嶠娶姑女  
既昏交禮女以手披紗扇拊掌大笑庾信爲梁上黃侯  
世子與婦書分杯  
喜氣自能成歲豐杜甫詩門闌多喜  
帳裏卻扇牀前

農祥爾物

一作勿

來爭功

梁簡文帝詩天馬照耀動農祥  
補國語號文公曰太史順時觀

土農祥農正土乃脈發韋昭曰農祥房  
星也農正謂立春之日晨中於午也

碌碌古詞

補老子碌碌如玉落落如石或作陸  
陸一作錄錄王劭曰陸錄竝借字

左亦不碌碌右亦不碌碌

補晉樂府聖郎曲左亦  
不佯佯右亦不翼翼

野艸

白

一作著又  
一作自

根肥羸牛生健犢

世說顏延之常來融蠟  
羸牛敝車詳卷三

作杏帶男兒不戀家春風破紅意女頰如桃花

補古詩何處蝶

觴來兩頰色如火自有桃花容莫言人勸我嗣立案虞世南史畧北史盧士深妻崔林義之女有才學春日以桃花饋兒面咒曰取紅花忠言未一作見信巧語翻咨取白雪與兒洗面作光悅

嗟一鞘無

一作沒

兩刃

才調集作刀張協雜詩長鈇鳴鞘中

徒勞油壁車

補蘇

小小歌妾來油壁車郎騎青驄馬何處結同心松柏西陵下

### 春野行

雜言

艸淺淺春如翦

嗣立案徐注典論時歲莫春和風扇物弓燥手柔艸淺獸肥

花壓李

孃愁飢蠶欲成繭

補吳筠陌上桑蠶飢妾復思拭淚且提筐太玄經紅蠶以繭自衣亦謂之

室東城少年氣堂堂

補何遜詩城東美少年

金九驚起雙鴛鴦

補西

京雜記韓嫣好彈常以金為丸所失者日有十餘長安為之語曰苦飢寒逐金丸京師兒童每聞嫣出彈輒隨之望丸之所落輒拾焉古絕句南山一樹桂上有雙鴛鴦含羞更問衛公子月到枕

前

一作邊

春夢長

李白白頭吟且留琥珀枕還有夢來時

此擬蕩子蕩婦之詞篇中李娘衛公子及三州詞李娘必有所指今不可攷無容強解

醉歌

檐柳初黃燕初

才調集作新

乳曉碧竿縣過微雨樹色淡含

臺榭情鴛聲巧作煙花主錦袍公子陳梧觴

補李白傳崔宗之謫

官金陵與白詩酒倡和常月夜來舟自采石達撥醅百  
金陵白衣宮錦祀於舟中顧瞻笑傲旁若無人

甕春酒香

李白詩恰似葡萄初撥醅詩為此春酒

入門下馬問誰在

李賀詩八

門下馬氣如虹

降階握手登華堂

陸雲詩王在華堂式宴嘉會

臨邛美人連

山眉

西京雜記文君眉色姣好如望遠山臉際常若芙蓉

低抱琵琶含怨思

樂府雜錄

琵琶烏孫公主造推手前曰琵琶引手却曰琵琶

朔風繞指我先笑明月入懷君

自知

嗣立案王融詠琵琶抱月如可明懷風殊復清吳筠詩洛陽名工見咨嗟一翦一刻作琵琶白壁規

心學明月珊瑚映面作風花

勸君莫惜金

一作芳尊酒

補曹植樂府詩金尊玉杯不能

使薄酒更厚謝靈運詩清醕滿金尊

年少須臾如覆手辛勤到老暮簞瓢

於我悠悠竟何有洛陽盧仝一作生稱文房妻子腳禿齋

黃糧

嗣立案韓愈寄盧仝詩玉川先生洛城裏破屋數間而已矣一奴長鬚不裹頭一婢赤腳老無齒注

全居洛陽自號玉川子徐注張說姚文貞公碑銘武庫則矛戟森然文房則禮樂盡在宋玉招魂稻粱構麥桴

黃梁些嗣立案吳江吳兆宜云後漢書桓帝時童謠河間姁女能數錢以錢為室金為堂石上牕牕春黃糧黃

糧之下有橡鼓我阿產光顏不識字

產應作跌嗣立案舊唐書李光顏本

河曲部落稽阿跌之族光顏光進弟也南史沈慶之手不知書每將署事輒恨眼不識字指揮豪雋

如驅羊

漢書辟如豺狼驅羣羊也補淮南子兵畧者避實就虛若驅羣羊

天犀壓斷朱

驅

一作驢

鼠廣雅犀微外獸一角在鼻一角在額有粟文通兩耳名通天犀嗣立案爾雅郭璞注江東



呼鼯鼠者似鼠大而食鳥在樹木上也魏文帝與  
王明書蚤蟲雖細困於安寢鼯鼠雖微猶毀鄧牛瑞錦

驚飛金鳳凰

補陸翹鄴中記錦署有鳳凰錦舊唐書外戚傳榮國夫人卒則天出內大瑞錦造佛

像追

其餘豈足需牙齒

補宋書謝朓好獎人才曾稽孔園粗有才筆孔時嘗令州讓表

眇嗟吟良久謂時曰此子聲名未立應共獎成無惜齒牙餘論

欲用何能報天子駕馬

垂頭搶冥塵驂騑一日行千里

見卷一

但有沈冥醉客家

補莊子蜀莊沈冥

支頤瞪目持流霞

補莊子左手據膝右手支頤抱朴子項曼卿修道山

中自言至天上遊紫府過僊人與流霞一杯飲之輒不飢渴

唯恐南園風雨作

一作落

碧蕪狼籍棠梨花

江南曲

五言。嗣立樂府古題要解江南曲古詞云江南可采蓮蓮葉何田田又云魚戲

蓮葉間魚戲蓮葉東魚戲蓮葉西魚戲蓮葉南魚戲蓮葉北蓋美其芳晨麗景嬉游得時也郭

茂倩樂府詩集梁武帝作江南弄以代西曲曲有采蓮采菱蓋出於此

妾家白蘋浦

羅願爾雅異萍其大者蘋五月有花白色謂之白蘋屈原九歌登白蘋兮騁望白居

易記湖州城東南二百步抵雲谿連汀洲洲一名白蘋梁吳興太守柳惲於此賦詩云汀洲采白蘋因以名

也日上芙蓉檝梁簡文帝詩玉軸芙蓉舟軋軋搖槳聲移舟入菱葉

谿長菱葉深作底難相尋辟郎郎不見灘驚自浮沈拾

萍萍無根

補歡開歌遙遙天采蓮蓮有子補子夜歌采無柱流漂萍無根月采芙蓉夜

夜得蓮子不作浮萍生寧為藕花死岸傍騎馬郎李白詩岸上誰家游

冶郎補梁末童謠可憐已馬子一日行千里不見烏帽

紫游韁晉興服志漢成帝制二宮直官著烏紗帽補晉中興書太和

紫游韁汝非皇太子那得甘露漿含愁復含笑回首問橫塘補金陵覽古吳自江

口沿淮築隄謂之橫塘吳都賦橫塘查下吳筠古意妾家橫塘北妾住金陵步一作浦

張紘言於孫權曰秣陵楚武王所置名為金陵秦始皇時望氣者云金陵有王者起故斷連岡改名秣陵也

門前朱雀航流蘇持作帳補梁簡文帝有女篇芙蓉持

作梁出入金憤懣蒼頡篇帛張車上曰懣補揚雄籍田賦微風生於輕懣善曰懣車懣也

兄弟侍中郎

古樂府陌上桑三十侍中郎

前年學歌舞定得郎相許

連娟眉繞山

屈原九歌眉連娟兮既留詳見上

依約腰如杵

嗣立案搜神記何文

莫入北堂梁上有一人高冠朱幘呼曰細腰細腰應諾文因呼細腰問向衣冠是誰答曰金也在西壁下問君是誰答曰我杵也由是今在富

鳳管悲若咽

補庾信楊柳歌鳳凰新管蕭史

吹鸞弦嬌欲語

補十洲記鳳麟洲在西海中央洲上專多鳳麟數百合羣亦多僂家猿鳳喙及

麟角合煎作膠名為集弦膠

扇薄露紅鉛

江洪詠歌姬詩輕紅澹鉛臉

羅輕壓金

縷一見卷明月西南樓

補鮑昭玩月詩始見西南樓纖纖如玉鈎

珠簾玳瑁鈎

見卷橫波巧能相一作笑

補傅毅舞賦目流睇而橫波

彎蛾不識愁

李賀

詩長眉對花開子留樹艸長根依土早一作上聞金溝遠

南史羊戎曰金溝清泚銅池搖颺底事歸郎許不學楊白花一作楊花白又一作

閨中朝朝淚如雨嗣立案梁書楊華名白花武都仇池人少有勇力容貌修偉魏胡太后逼

通之華懼及禍乃率其部曲降梁太后追思不已為作楊白花歌使宮人連臂蹋足歌之聲甚悽惋楊白花歌

含情出戶腳無力拾得楊花淚霑臆

### 錢唐樂府詩集曲

作堂堂

錢唐岸上春如織補吳郡緣海四縣記錢唐西南五十里有定山去富春又七十里橫出江

中波濤迅邁以避山難蘇蘇寒潮帶晴色淮南游客馬

辰發錢唐已達富春

連

一作頻

嘶碧艸迷人歸不得

淮南王招隱士王孫遊風兮不歸春艸生兮萋萋

飄客意

一作思

如吹煙纖指殷勤傷雁弦一曲堂堂紅燭

筵金

一作長

鯨瀉酒如飛泉

杜甫飲中八仙歌飲如長鯨吸百川又百壺那送酒如泉

惜春詞

百舌問花花不語

月令注反舌百舌也春始鳴至五月能變其舌反學其聲為百鳥之鳴補

邢昺春歌花塢蜚雙飛柳隄鳴百舌

低回似恨橫塘雨蠶爭粉藥蝶分香

崔豹古今注蠶垂賴如鋒曰蠶蝶以須與

不似垂楊惜金縷願君

一作言留得

長妖韶莫逐東風還蕩搖秦女含顰向煙月

補梁簡文帝詩倡樓

秦女乍相值案樂府詩集  
唐李白樂府有秦女卷衣愁紅帶露空迢迢一作寥寥

### 春愁曲

紅絲穿露珠簾冷

補西京雜記昭陽殿織珠為簾風至則鳴如珥佩之聲鮑昭詩珠簾無隔

露羅幌不勝風

百尺啞啞下纖綆

補費昶行路難唯聞啞啞城上烏玉闌金井牽轆轤說文

綆汲井索也莊子綆短者不可以汲溪

遠翠愁山入臥屏兩重雲母空烘

影

西京雜記趙飛燕為皇后女弟昭儀遺雲母屏風琉璃瑤屏風李賀詩琉璃疊扇烘

涼簪墜髮

春眠重玉兔煨香

才調集作氤氲

柳如夢

李白詩玉兔擣藥春復秋

錦疊空

牀委墜紅

古詩蕩子行不颺颺埽尾雙金鳳

補古樂府秋風肅肅

晨風颺吳都賦翼颺風之颺颺嗣立案徐注黃庭經逢  
古者盟以玄雲之錦九十尺金簡鳳文羅四十尺

喧蝶駐俱一作戲悠揚柳拂赤闌纖艸長覺後梨花委平

綠春風和雨吹池塘徐注謝靈運詩池塘生春艸

蘇小小歌補樂府廣題蘇小小錢唐名倡也蓋南齊時人吳地記嘉興縣前有晉伎蘇小

墓小

買蓮莫破券嗣立案北齊武成後謠千金買果園中買

酒莫解金嗣立案梁簡文帝詩當壚設夜酒宿酒裏春

客抱離恨嗣立案子夜歌郎懷水中蓮子懷芳心吳宮



女兒腰似束

趙氏補吳越春秋閭閻城西研石山上家

在一作

錢唐小江曲一自檀郎逐便風

李賀詩檀郎謝女眠何處或曰

檀奴潘安仁小字後人因號為檀郎

門前春水年年綠

江淹別賦春草碧色春水綠波

春江花月夜詞

補隋煬帝作春江花月夜曲云莫江平不動春花滿正閒流波將月

去潮水帶星來

玉樹歌闌海雲黑

嗣立案晉書樂志春江花月夜玉樹後庭花竝陳後主所作後主常與宮

中女學士及朝臣相和為詩太常令何胥又善於文詠采其尤豔麗者以為此曲

花庭忽作青

燕國

補李端詩青燕赤燒生

秦淮有水水無情

建康錄始皇鑿鍾阜為瀆令水貫其

中以洩王還向金陵漾春色上注見楊家二世安九重補

氣呼秦淮書煬皇帝諱廣一名英小字阿麼高祖第二子也

不御華芝嫌六龍嗣立案隋書大業元年八月壬寅上御龍舟幸江都

為後軍文武官五品已上給樓船九品已上給黃篋舳舳相接二百餘里俞瑒云甘泉賦登鳳凰而翳華芝注華芝蓋也易時來六龍以御天百幅錦帆

風力滿嗣立案開河記煬帝御龍舟幸江都舳舳相繼自大隄至淮口聯縣不絕錦帆過處香聞十里

連天展盡金芙蓉樂府子夜歌玉蕩金芙蓉珠翠丁星復明滅嗣立案隋

遺錄帝御龍舟蕭妃乘鳳舸每舟擇妙麗女子千人執雕板鏤金檝號為殿脚女徐注宋玉招魂翡翠珠被爛

齊光龍頭劈浪哀笳發嗣立案隋書樂志煬帝大製豔篇辭極淫綺令樂止白明達造

新聲創泛龍舟等曲掩抑摧藏哀音斷絕煬帝泛龍舟  
曲舳艫千里泛歸舟言旋舊鎮下揚州借問揚州在何

處淮南江  
北海西頭千里涵空照才調集水魂萬枝破鼻團一作

香雪

嗣立案徐注隋書煬帝自版渚引河作街道植以  
楊柳名曰隋隄一千三百里又案揚州后土廟有

花一枝潔白可愛樹大而花繁俗謂之瓊花天漏轉霞  
下獨一枝歐陽永叔為揚州作無雙亭以賞之

高滄海西玻璃枕上聞天雞

補韻會玻璃寶玉名本州  
作頗黎云西國寶或云是

水玉千歲冰為之唐高宗紀夫汗郡王獻碧坡蠻弦代  
瑠璃淮南子桃都山有天雞日出即鳴詳卷一

雁

一作

曲如語

嗣立案大業拾遺記帝自達廣陵沈  
酒失度每睡歌吹齊發方就一夢一

醉昏昏天下迷

嗣立案迷樓記煬帝建迷樓選後宮女  
數千以居其中大業拾遺記帝於文選

樓張四帳一名醉  
忘歸三名夜酣香

四方傾頹一作

動煙一作

塵起補杜甫

詩風塵

湏動昏王室淮南子未有天  
地之時鴻濛頹動莫知其門

猶在濃香一作

夢魂裏立嗣

立

案呂東萊隋書大業十三年五月甲子唐公起義師於  
太原十一月丙辰唐公入京師辛酉遙尊帝為太上皇

帝代王侑為帝改元義寧二年三月右屯衛將軍宇文  
化及以驍果作亂入犯宮闈上崩於溫室時年五十

後主荒宮有曉鸞飛來只隔西江水

嗣立案隋遺錄  
煬帝在江都昏

酒滋深嘗游吳公宅雞臺恍惚與陳後主相遇尚與帝  
為殿下後主舞女數十中一人迴吳帝屢目之後主云

即麗華也乃以海蠡酌紅梁新醞勸帝帝飲之甚歡因  
請麗華舞玉樹後庭花麗華徐起終一曲後主問帝蕭

妃何如此人帝曰春蘭秋菊各一時之秀也後主問帝  
龍舟之遊樂乎始謂殿下致治在堯舜之上今日復此

逸遊大抵人生只圖快樂曩時何見  
罪之深耶帝忽悟叱之恍然不見

### 懊惱曲

嗣立案古今樂錄懊惱歌者晉石崇綠珠所作唯絲布澀難縫一曲而已後皆隆安

初民間訛謠之曲宋書五行志晉安帝隆安中  
民忽作懊惱歌入案樂錄華山畿者宋少帝時

懊惱一曲  
亦變曲也

蕩絲作線難勝鍼

嗣立案俞瑒云朱超采蓮曲摘除蓮  
上葉拖出蕩中絲說苑縷因鍼而入

藥粉染黃那得淡白玉

才調集  
作玉白蘭芳不相顧陸機短歌  
行蘭以秋

芳青

一作倡又  
一作紅

樓一笑輕千金

嗣立案劉石齡云晉書  
麴游歌南開朱門北望

青樓李白白紵詞  
美人一笑千金

莫言自古皆如此健劍刺鐘鉛繞指

補說苑西閭過曰千將莫邪拂鐘不鐸試  
物不知劉琨詩何意百鍊鋼化為繞指柔  
三秋庭綠盡

迎霜

王融詩秋風下庭綠

唯有荷花守紅死

補讀曲歌荷燥芙蓉萎蓮汝蕩欲死李賀

詩秋白廬西一作

江小吏朱斑輪

補古詩為焦仲卿妻作序漢末建安中廬江府

小吏焦仲卿妻劉氏為仲卿母所遣自誓不嫁其家逼之乃投水而死仲卿聞之亦自縊於庭樹時人傷之為

詩云爾又詩云金車玉作輪

柳縷吐牙香玉春

一作新

兩股金釵已相

許

嗣立案徐注白居易長恨歌釵留

不令獨作空城

調才

集作

塵悠悠楚水流如馬

李賀詩黃塵清水三山恨紫下更變千年如走馬

恨紫

愁紅滿平野野土千年怨不平至今燒作鴛鴦瓦

晉書鄒都

銅雀臺皆駕爲反梁昭  
明太子詩曰麗駕爲瓦

### 三洲詞

補唐書樂志三洲商人歌也古今樂錄三洲歌者商客帆數遊巴陵三江口往還因

共作此歌

### 團員

一作團

莫作波中月潔白莫

一作無

為枝上雪月隨波

動碎潏潏雪似梅花不堪折李孌十六青絲髮畫帶雙

花為君結

梁武帝詩續帶合歡結

門前有路輕

一作主

別離

樂府詩集作離

別惟

一作只

恐歸來舊香滅



溫飛卿詩集箋注卷二



欽定四庫全書

集部

溫飛卿詩集箋注卷三

四

詳校官監察御史臣查瑩

檢討臣何思鈞覆勘

總校官知縣臣繆琪

校對官中書臣王慶長

謄錄監生臣錢雋選

欽定四庫全書

溫飛卿詩集箋注卷三

明 曾益 撰

長洲顧

子咸

補

春曉曲

嗣立案才調集此詩及邊笳曲俠客行春日詠頻太子西池共七首皆齊梁體

家臨長信往來道

三輔黃圖漢洛門至閭廟門有長信宮在其中

乳燕雙雙拂

一作煙草油壁車輕金犢肥

油壁車注見二嗣立案朝野食載龐帝師養一捋牛

一亦犢子前後生五犢得絹一百匹及翻轉至萬流蘇

帳曉春雞早

補晉華虞決疑要注天子帳流蘇為飾海錄碎事流蘇帳盤繪繡之球五色錯為之

溫飛卿詩集箋注

溫飛卿詩集箋注

同心而下垂者也梁江籠中嬌鳥暖猶睡補左思詠史詩習習籠中

鳥舉翮觸四隅盧照鄰長簾外落花閒不掃哀桃一樹

近前池張正見有似惜紅顏鏡中老

獵騎

樂府詩集有詞字

早辭平宸殿禮記天子負夕奉相南宴漢書湘南縣屬

山在東南香兔抱微煙嗣立案謝莊月賦引玄兔於帝

積成爲獸重鱗疊輕扇曹植扇賦效龍蛇之蟄蠶飢

使君馬古樂府日出東南隅行羅敷善采桑采桑城南

四時歌君佳馬已  
疲妾去蠶已飢

雁辟將軍箭

隋書史萬歲從梁士彥  
軍次馮翊見羣雁飛來

萬歲謂士彥曰請射行中  
第三者既射之應弦而落  
寶柱惜離弦柳惲詩秋  
風吹玉桂流黃

悲赤縣

流黃注見下

理釵低舞鬢換袖回歌面晚柳未如絲

補枚來柳賦吁嗟  
弱柳流亂輕絲

春花已如霰

補柳惲詩春  
花落如霰

所嗟故里

曲不及青樓宴

西州

樂府詩集作洲

曲

吳聲曲一作詞

悠悠復悠悠昨日下西州西州風色好遙見武昌樓武

樓注詳下

武昌何鬱鬱

古詩洛中何鬱鬱

儂家定無匹小婦被流黃

登樓撫瑶瑟

嗣立案古樂府相逢挾路間大婦織羅綺中婦織流黃小婦無所作挾瑟上高堂陸

機詩佳人理瑶瑟

朱弦絛復輕

嗣立案徐注蔡邕琴賦絛弦既和

素手直淒清

古詩娥娥紅粉妝纖纖出素手

一彈三四解掩抑似含情

古詩一彈再三歎慷慨有

餘哀嗣立案冊府元龜李延年因胡曲更造新聲二十八解

南樓登且望西江廣復

平艇子採兩槳催過石頭城

嗣立案古樂府莫愁樂莫愁在何處莫愁石城西艇

子打兩槳催送莫愁來

門前烏臼樹慘澹天將曙灘鷺飛復還郎

隨早帆去

嗣立案江淹西州曲西州在何處兩槳橋頭渡日莫伯勞飛風吹烏臼樹樹下即門前門

中露翠鈿開門郎不至出門采紅蓮

回頭語同伴定復負情儂去帆不安

幅作抵使西風他日相尋索莫作西州客西州人不歸  
春草年年碧

燒歌

說文野火曰燒燒去聲

起來望南山山火燒山田微紅夕一作久如滅短燄復相

連差差向巖石冉冉凌青壁低隨回風盡遠照檐茅一作

茅檐赤鄰翁能楚言倚鋤欲潸然補史記歌曰鄭國在前白渠起後舉鋤為雲涉

渠為雨自言楚越俗燒畬作早一作田嗣立案農書荆楚多畬田先縱

火燒畬候經雨下種歷三歲土脈竭復燒旁山燒燹火燎草畬火燒山界也杜田曰楚俗燒榛種田曰畬先以

刀芟治林木曰斫雷其刀以豆苗蟲促促陶潛詩草籬

木為柄刀向曲謂之雷刀籬帶晚花廢棧豕歸闌莊子編之以厚棧注

上花當屋籬帶晚花廢棧豕歸闌莊子編之以厚棧注

廣場雞啄粟新年春雨晴處處賽神聲漢郊祀志冬賽

謂報其持錢就人卜敲瓦隔林鳴元稹詩病賽鳥稱鬼

擊瓦觀其文理分卜得山上一作卦歸來桑棗下吹火

向白茅一作腰鎌映蘋蘩列子擁鎌帶索說文鎌鋏也

風驅榭葉煙榭樹連平山補北史李元忠作壘以迸星

拂霞外飛燼落階前仰面呻一作復嚏學記今之教者

言則寔字林寔鼻塞  
而噴一云咳嗽聲

雅壤咒豐歲誰知蒼翠容盡作官

家稅

漢蓋寬饒傳三王官天下五帝家天下王建  
田家行麥收上場絹在軸的知輸得官家足

### 長安寺

仁慈寫露宮長安佳氣濃煙樹含蔥蒨

江淹詩丹金刺

金刺

映羊茸

補西京雜記以黃金為刺  
法華經長表金刺詳卷二

繡戶香焚象

補杜甫  
玄元皇

帝廟詩山  
河扶繡戶

珠網玉盤龍

謝朓詩深沈映朱網補沈約詩  
網軒映珠綴鮑昭詩桂柱玉盤

龍

寶題斜

一作

翡翠

補甘泉賦璇題玉英應劭曰題  
頭也懷稼之頭皆以玉飾也

天

井倒芙蓉

補王延壽魯靈光殿賦員淵方井反植芙蓉  
風俗通令殿作天井井者東井之像也菱荷



水中之物皆幡長回遠吹補釋氏要典沙門得一法者

幡建道場嗣立案指月錄慧能大師至廣州法性寺值

印宗法師講涅槃經寓止廊廡間莫夜風颭剎幡聞二

僧對論一曰幡動一曰風動往復不已祖曰窗虛含曉

不是風動不是幡動仁者心動一衆竦然

風遊騎迷青瑣補河晏景福殿賦青瑣歸鳥思華鐘西都賦鏗

華鐘善曰鐘有篆雲拱承跗邐杜甫詩朱拱羽葆背花

刻之文故曰華也浮雲細細輕

重見卷一所嗟蓮社客見卷七輕蕩不相從

和沈參軍招友生觀芙蓉池

桂棟坐清曉屈原九歌桂瑤琴雙一作鳳絲司馬相如

棟兮蘭橈

鳳兮歸故鄉遊四海求其皇嗣立崇西  
京雜記成帝侍郎善鼓琴能為雙鳳之曲況聞楚澤音

補子虛賦臣聞楚有七澤嘗見其一名曰雲夢適與秋風期  
漢武帝秋風辭秋風起兮白雲飛

遂使一作櫂萍客靜嘯煙草涓  
古詩涉江采芙蓉蘭澤多芳草倒影回

澹蕩愁紅媚連漪詩河水清且連漪湘莖久鮮一作濕宿雨增

離披補宋玉九辨白露既下降而我江海客  
杜甫詩張百草兮奄離披此桐樹

客楚游動一作夢思補杜甫詠懷古跡北渚水雲蔓一作

葉補屈原九歌南塘煙露枝江淹西州曲豈止一作臺

榭芳獨與鷗鳥知補列子海上人好鷗鳥每旦至海上從鷗鳥游其父曰吾聞鷗鳥皆從子

游汝取來吾玩之明日之

珠墜魚迸淺

補鮑昭芙蓉賦  
葉折水而為珠

謝朓詩魚

影多鳬泛遲

屈原卜居將泛泛若水中之鳬  
乎補唐太宗采芙蓉詩游鵝無

定曲驚鳬

落英不可攀

離騷朝飲木蘭之墜露  
兮夕餐秋菊之落英

返照昏

澄陂

寓懷

誠足不顧

一作顧

得妄矜徒有言語斯諒未盡隱顯何

一作

可悠然洵彼都邑盛

劉熙釋名國城曰都四井為邑

眷唯車馬喧

陶潛

結廬在人境而無車馬喧

自期尊客卿

戰國策蔡澤西入秦秦昭王  
召見與語大悅之拜為客卿

非意干王孫

補漢韓信傳梁母怒曰吾銜知有貞爵處

實非厚顏

越絕書名過實者減聖人不使名過實詩顏之厚矣

苟無海岱

一作氣

補魏志許汜曰陳元龍

奚取壺漿恩

補戰國策中山君曰吾以一枯羊羹

亡國以一壺唯絲

一作師

南山楊

補漢書楊惲字子幼華陰人楊惲報孫會宗書

其詩曰田彼南山蕪穢不治種一頃豆落而為真人生行樂耳須富貴何時嗣立案李賀浩歌買絲繡作平原

君有酒唯適我松菊香

補陶潛歸去來辭三

逕就荒松菊猶存

鵬鯤誠來

一作憶

補莊子北溟有魚其名為鯢化而為鳥其名為鵬怒而飛其翼若垂天之雲鵬之徙於南溟也

水擘三千里搏扶搖而上者九萬里

誰謂凌風翔

莊子鵲巢於高榆之顛巢折凌風而起

余昔自西濱得蘭數本移莖於庭亦既逾歲而芄  
然蕃殖自余遊者未始以芳草為遇矣因悲夫物  
有厭常而反不若混然者有之焉遂寄情於此

寓賞本殊致意幽非我情吾常有流一作疏淺外物無重

輕

嵇康養生論外物以累心不存

各言甄幽深彼美香素莖

屈原九歌綠葉兮素

枝芳菲非兮襲予

豈為賞者設自保孤根生

補家語芝蘭生於深谷不以無人而

不易地無赤株

州木疏蘭為王者香草其莖葉皆似澤蘭廣而長節節中亦高四五尺

麗

土亦同榮

易百穀草木麗乎土

賞際林壑近泛餘煙露清余懷既

鬱陶

尚書鬱陶乎予心頗厚有忤昵

爾類徒縱橫

補楊雄解朝一縱橫論者莫當

妍

蚩苟不信

張正見白頭吟語默中

寵辱何為驚

老子寵辱若驚

真

隱諒無迹激時猶揀名幽叢靄綠畹

補文子叢蘭欲發秋風敗之離騷余

既滋蘭之九畹兮又樹蕙之百畝王逸注十二畝為畹

豈必懷歸耕

漢夏侯勝傳學經不明不

如歸耕

# 秋日

爽氣變昏旦

世說王子猷以手版柱頰云西山朝來致有爽氣補謝靈運詩昏旦變氣候山水含

清神皋徧原隰

西京賦實維地之奧區神皋詩于彼原隰釋名廣平曰原下濕曰隰補西都賦

原隰龍鱗煙華久蕩搖石澗仍清急柳闇山犬吠蒲流水禽

立菊花明欲迷棗葉光如濕天籟思林嶺莊子敢問天籟子綦曰夫

吹萬不同而使其自己也車塵倦都邑詩張夙所達尚書民無或須

說王僧彌謂謝車騎曰君何敢請張悔吝何由入繫辭吉凶悔吝者生乎動者也補庚信詩陽窮

乃悔芳草秋可藉補孫綽天台賦藉萋萋之纖草幽泉曉堪汲收羊燒

外鳴林果雨中拾王維詩雨中山果落復此遂閒曠補莊子就藪澤處閒曠此

江海之士避世之人也閒曠者之所好也翛然脫羈繫補江偉答軍司馬詩羈繫繫世網進退維

準繩田收鳥雀喧氣肅龍蛇蟄易龍蛇之蟄佳節足豐穰良朋

阻遊集沈機日寂寥

宋玉九辨寂寥兮收潦而水清

葆素常呼吸

補莊子吹

嗟呼吸吐故納新此導引之士養形之人也

投迹倦攸往

易利有攸往

放懷志所

執

見卷四

良時有東菑

爾雅田一歲曰菑

吾將事蓂莢

詩何蓂何莢

## 七夕歌

鳴機札札停金梭

補古詩織纖擢素手札札弄機杼立案私關閒話蔡州蔡氏七夕禱以

酒果忽流星墜庭中明日瓜上得金梭由是巧思笑客

澹蕩秋水

一作生池

波夜

一作神

軒紅粉陳香羅

補周處風土記七月七日

其夜灑掃於庭露施几筵設酒脯時果散香粉於河鼓織女

鳳低蟬薄愁雙蛾微光



奕奕凌曙

一作天

河

白氣補

月令

七夕

見天

漢中

有奕奕

正

正

關越

星河

鸞咽

鶴唳

飄飄

歌

補湯惠休

楚明妃

曲騷

駕鸞

鸞

鸞

橋銷盡奈愁

一作愁

何

淮南子

鳥雀

填河

天氣

駘蕩

雲

陂

陀

補莊子

惠施之

林駘蕩

而不得

逐物不

及司馬彪

曰

駘蕩

宋玉招魂

文異

異

異

駘陀

此

平明

花木

有愁意

一作思

露濕

綵盤

蛛網

多

補荆

楚

楚

時記

七夕婦人

結綵

縷穿七孔

鍼或以金銀

鑄石為

鍼

或於瓜上則以為

得宋

鍼

鍼

鍼

鍼

孝武帝

七夕詩

迎風

披綵

縷向月貫玄鍼

鍼

鍼

鍼

鍼

鍼

鍼

鍼

鍼

酬友人

辭榮亦素尚

補孔欣猛虎行飢不食邪蒿菜倦不倦遊息無終里邪蒿車素尚無終喪若始

非夙心

補司馬相如傳長卿故倦遊邪璞曰厭遊宦也

寧復思金籍

補嗣立案謝眺始出尚

書省詩既通金閨籍復酌瓊筵醴注金閨金馬門也籍者為二尺竹牒記其年紀名字物色懸之宮門案省相

應乃得

獨此臥煙林

閣雲無定貌佳樹有餘陰

補左傳

來聘宴於季氏有嘉樹焉宣子譽之

坐久菱荷發釣闌

一作餘

菱葦溪游魚

自搖漾

一作蕩陶潛詩臨水愧游魚

浴鳥故浮沈

補杜甫詩一雙雖驚對沈浮

唯

君清露夕

補西京賦承雲表之清露

一為灑煩襟

觀舞伎

朔音悲雪管

詩雪雪管聲

瑤跗動芳塵

補王予年拾遺記石虎太極殿樓高四十

大畚雜寶異香為屑使數百人於樓上吹散之名曰芳塵臺

總袖時增怨

一作態韓非子長袖

善聽破復含頻

嗣立案太平廣記引傳載錄天寶中樂章多以邊地為名若涼州甘州伊州之

類是焉其曲偏繁聲名入破後其地盡為西番所沒破乃其兆矣

凝腰倚風軟

補梁王謝詠舞

詩傾腰逐韻管斂色聽張弦袖輕風易入釵重步難前

花題照錦春

嗣立案杜甫詩胡舞白題

斜注題者額也

朱弦固淒緊

補傳毅舞賦弛緊急之弦張兮慢末事之軌曲殷仲文詩風物自淒

緊瓊樹亦迷人

嗣立案崔豹古今注魏文帝宮人絕所愛者有莫瓊樹薛夜來陳尚衣陳巧笑

皆日夜在側江總詩後宮知有莫瓊樹

邊笳曲

樂部笳胡人卷蘆葉為之置部前曰頭管

朔管迎秋動

補李陵答蘇武書涼秋九月塞雕陰一作外草哀又胡笳五動牧馬悲鳴

雁來早

嗣立案舊唐書隋雕陰郡武德三上郡隱黃雲

嗣立案唐書地理志貞觀二年罷都督府移州治上縣天寶元年改為上郡乾元元年復為綏州江淹詩黃雲

蔽千天山吹白草

嗣立案史記索隱祁連山一名天山亦曰白山在張掖酒泉二郡界唐書

西川交河郡有天山開元二年置天山軍隸河西道案劉石齡云杜詩注引歸州圖經胡地多白草昭君冢獨

青嘶馬渡

一作悲

寒磧

說文沙磧曰磧

朝陽照霜堡

廣韻堡障小城也

江

南戍客心

一作情

門外芙蓉老

古樂府江南詞江南可採蓮蓮葉何田田李賀詩

魚風起  
芙蓉老

經西塢偶題

搖搖弱柳黃鸝

一作鶯

啼

世說戴顓春日攜雙柑斗酒人問何之曰往聽黃鸝聲

芳

草無情人自迷日影明滅金色

鯉

補神農書鯉為魚王無大小脊傍鱗皆三

十有六鱗上有小黑點文有赤白黃三種

杏花啞喋青頭雞

補沈懷遠長鳴雞贊翠冠續莒

碧距微紅柰蒂惹蠶粉

晉起居注嘉柰一蒂十五實或七實生於酒泉補褚雲詠柰詩

映日照新芳叢林抽晚蒂

潔白芹牙入

一作穿

燕泥

薛道衡昔昔鹽空梁落燕泥補杜甫

詩芹泥隨燕嘴

借問含顰向何事昔年曾到武陵谿

見卷五

金虎臺

嗣立案鄴都故事漢獻帝建安五年曹操破袁紹於鄴十五年築銅雀臺十八年作

金虎臺十九年造冰井臺所謂鄴中三臺也

碧草連金虎青苔蔽石麟

補西京雜記五柞宮西有青梧觀觀前有三梧桐樹樹下

有石麒麟二枚刊其背為文字是秦始皇鄴山墓上物也詳見下

皓齒芳塵起

補傅毅舞賦吐

生聲則發皓齒詳見下

纖腰玉樹春

補張衡舞賦擗纖腰以互折詳見卷一

倚瑟紅

鉛溼

補漢書文帝使慎夫人鼓瑟帝自倚瑟而歌師古曰倚瑟即今之以歌合曲也梁元帝詠歌詩汗輕

紅粉

分香翠黛頻

補陸機弔魏武帝文餘香可分與諸夫人諸舍中無所為學作履綦賣也

梁元帝賦愁容翠眉歛

誰言奉陵寢相顧復霑巾

補張衡四愁側身西望淚霑巾

俠客行

補郭茂倩游樂府詩集戰國公子皆藉王公之勢號為游俠以取重諸侯顯名天下後

世遂有游俠曲魏陳琳晉張華又有博陵王宮俠曲

欲出鴻都門

地志鴻都門在洛陽

陰雲蔽城闕寶劍黯如水

立嗣

案越絕書外傳記越王允常聘歐冶子作名劍五枚一曰純鉤秦客薛燭善相劍越王取示之燭曰光乎如屈陽之華沈沈如芙蓉始生于湖觀其文如微紅溼餘血列星之行觀其光如水溢於塘此純鉤也

白馬夜頻嘶

才調集作驚古樂府白馬金羈俠少年

三更霸陵雪

關中記霸陵為

漢文帝陵在雍州城東南四十里白鹿原上鳳皇背下

詠曉

蟲歌紗窗靜

補庾信蕩子賦紗窗獨掩羅帳長垂

雅散碧梧寒梢驚朝佩

動猶傳清漏殘亂珠凝燭淚

補梁簡文帝對燭賦漸覺流珠走熱視絳花多詳卷

一微紅上露盤

三輔故事武帝於建章宮立銅柱高二十丈上有僊人掌承露盤

褰衣

復理鬢餘潤拂芝蘭

笑容

刺莖澹蕩綠

一作碧李賀詩綠刺胃銀泥

花片參差紅

孫楚蓮華賦紅花電發暉

光輝吳歌秋水冷

嗣立案晉書樂志吳歌雜曲竝出江南東晉已來稍有增廣其始皆徒歌

既而被之管弦蓋自永嘉渡江之後下  
及梁陳咸都建業吳聲歌曲起於此也  
湘廟夜雲空

補



道元水經注太湖西流徑二妃廟南世謂之黃陵廟  
大舜之涉方也二妃從征溺於湘江民為立祠於水側

馬方輿勝覽在潭濃豔香露裏柳宗元詠芙蓉美人清  
州相陰北九十里詩薄彩寒露裏

一作鏡中李白詩荷南樓未歸客下詳一夕練塘東  
青鏡裏香南樓未歸客下詳一夕練塘東

華亭有三泖一谷  
泖自殿湖入練塘

### 敕勒歌塞北

樂府廣題北齊神武攻周玉壁士卒  
死者十四五神武志憤疾發周王下

令曰高歡鼠子親犯玉壁劍弩一發元兇自斃  
神武聞之勉坐以安士衆悉引諸責使斛律金

唱敕勒神  
武自和之

### 敕勒金憤

一作壁一作陰山無歲華秦本紀西北斥逐  
匈奴自榆中並河

以東屬之陰山徐廣曰陰山在五帳外風飄雪嗣立案

原北通典陰山唐為安北都護府唐書吐蕃贊普聯毳帳以居號大拂廬容數百營前月照沙立

部人號小拂廬鮑昭詩胡風吹朔雪案陸機論孫權開曹公來築營於濡須搗以拒

之狀如偃月號偃月營范雲擬古寒沙四面平羌兒吹

玉管補風俗通笛元羌出又有羌笛然羌笛與笛二器

秦州雜詩東征健胡胡姬蹋錦花舞居一小園球子上舞

縱橫騰擲兩足終不離球上其妙卻笑江南客梅落不

如此白居易樂府胡旋女莫空舞歸家補鮑昭吳均樂府皆有梅花落程大昌演繹露

### 邯鄲郭公詞

本集作詞誤嗣立案北齊樂府邯鄲郭公歌邯鄲郭公九十九技兩漸進

入滕口大兒緣高岡雉子東南走不信吾言時  
當看歲在酉樂府廣題北齊後主高緯雅好傀儡  
謂之郭公時人戲為郭公歌及將敗果營邯鄲  
郭高郭聲相近九十九末數也滕口鄧林也大  
兒謂周帝太祖子也高岡後主姓也雅雞頭武  
成小字也後敗於鄧林盡如歌言蓋語妖也案  
此詩別見郭茂倩樂府詩集中題作邯鄲郭公  
詞明高啟集樂府中亦有邯鄲郭公歌一首本  
集誤詞為祠原注漫引郭子儀圍鄴城以保東  
京嗣後建祠祀之荒唐已甚今亟為改正案  
陳後山詩話楊大年傀儡詩云鮑老當筵笑郭  
郎笑他舞袖太郎當若教鮑老當筵舞轉更郎  
當舞袖長郎郎即郭公也

金笳悲故曲

樂部笳似威栗無竅以銅為之琴集大玉  
胡笳十八拍小胡笳十九拍竝蔡琰作

座積溪塵

補謝朓銅雀臺詩玉座猶寂莫況乃委身輕

言念

樂府詩集作是邯鄲伎

不見

樂府詩集作易

鄴城人青苔竟埋骨

補杜甫詩古人白骨生青苔

紅粉

自傷神

補白居易燕子樓詩見說白楊堪作柱爭教紅粉不成灰

唯有漳

一作

河柳

還向舊營春

古意

莫莫復莫莫

詩莫莫葛藟

絲蘿緣磻壑

廣雅兔絲蔓連草上女蘿自下蔓松上生

枝一名松蘿

散木無斧斤

莊子此散木也天斧斤物無害者

纖莖得依

一作所

託枝低浴鳥歇根靜縣泉落

列子縣流三十丈

不慮見春遲空

傷致身錯

齊宮

白馬雜金飾

補曹植白馬篇  
白馬飾金羈

言從雕輦回

見卷六

粉香隨

笑度鬢態伴愁來  
遠水斜如翦

補杜甫戲題畫山水圖  
歌焉得并州快翦刀翦

取吳松  
半江水

青莎綠似裁

本艸青莎一名水香稜一名雀頭  
香上林賦注徐廣云蒺莎可染紫

所恨章華日冉冉  
下層臺

補左傳楚子  
成章華之臺

春日

柳岸杏

一作暗百

花稀梅梁乳燕飛

金陵志謝安造新宮適  
有梅未浮至石頭城下

取為梁畫梅花於上以表美人鸞鏡笑見卷四嘶馬雁門

歸山海經雁門雁出其間在高柳西補楚宮雲影薄見卷

六臺城心賞違臺城見卷一鮑昭白頭吟從來千里恨

邊色滿戎一作衣

詠春幡嗣丘案後漢志立春之日夜漏未盡五刻

於門外又立春青幡今世翦綵錯緝為幡勝雖朝廷亦縷金銀繒綃為之戴於首士庶俱翦綵

為小幡散於首飾花枝皆曰春幡或翦為春錢春勝花鳥人物之巧以相遺

閒庭見早梅花影為誰裁碧煙隨刃落蟬鬢覺春來補

之問詩今年春色早應為翦刀惟古今注莫復代一作  
樹始製為蟬鬢翠之綠綃如蟬翼故號曰蟬鬢代一作

郡嘶金勒說大勒馬頭絡街也有街曰勒無梵聲一作

悲鏡臺梁武帝詩周流揚梵聲詳卷八壇經身是菩提

自婚意少日嬌報姑云已覓得婚處婿婿名宦盡不減

嬌因下玉鏡臺一枚玉鏡臺是嬌為劉越石長史北征

陳宮詞

雞鳴人艸艸詩勞人香輦出宮花伎語細腰轉補後漢

楚王好細腰馬嘶金面斜見卷早駕隨綵仗驚雉避凝

宮中多餓死

一作

笳新瀝湘風外

嗣立案鄴道元水經注引山海經云洞庭之山帝之二女居焉沅澧

之風交湘之浦出入多飄風暴雨湖中有君山湘君之所游處昔秦始皇遣風於此問其故博士曰湘君出入

則多風秦皇紅輪映曙霞

沈約詩紅輪映早寒嗣立案李商隱詩紅輪結綺寮朱鸛

齡注云紅輪不知是何物楊用脩云想是婦女所執如暝扇之類又唐太宗白日半西山詩云紅輪不暫駐此

則謂紅日也

### 春日野行

騎馬蹋煙莎青春奈怨何蝶翎朝

一作胡

粉盡

梁簡文帝詩花留蛺蝶

蝶粉補博物志燒鉛成胡粉

鴉背夕陽多柳豔欺芳帶

李賀詩官街柳帶不堪結



山愁紫翠蛾見卷二別情無處說方寸是星河補列子方寸之地虛

詠頻

毛羽

一作羽薄

斂愁翠

古今注梁冀改驚翠眉為愁眉補登徒子好色賦眉如翠羽陸機豔歌行

蛾眉象

黛嬌攢豔春恨容偏落淚

補世說吳道助兄弟遭母艱號踊哀絕路

人為之落淚

低態定思人枕上夢隨月扇邊歌繞塵

劉向別錄有人

歌賦楚漢興以來善雅歌者魯人虞公發聲清哀遠動梁塵補劉孝綽和詠歌人偏得日照詩屢將歌罷扇回

拂影中塵

玉鉤鶯不住波淺石磷磷

一作白

中書令裴公輓歌詞二首

補舊唐書裴度字中立河中聞喜人貞元五年

進士擢第累官門下侍郎同中書門下平章事出為蔡州刺史充彰義軍節度使吳元濟平賜

勲上柱國封晉國公食邑三千戶進位中書令薨時年七十五

王儉風華首

南史王儉字仲寶官僕射嘗謂人曰蕭何江南風流宰相唯有謝安蓋自況也

社稷臣

補班固漢書贊蕭何曹參位冠軍后聲施後世為一代之宗臣陸機漢高祖功臣頌序右三十

一人與定天下安社稷者也

丹陽布衣客

姓譜陶弘景為丹陽布衣

白頭人

世說王儉高自標位時人呼儉府為白頭不相離

勒燕山莫

後漢書竇憲破匈奴登燕然山刻石紀功令班固作銘

碑沈漢水春

補晉

書杜頌好為後世名刻石為二碑紀其勲績一沈萬山之下立峴山之上曰焉知此後不為陵谷乎從

今虛醉飽

詩既醉以酒既飽以德

無復汚車茵

漢書丙吉馭吏省酒醉嘔丞相車上

西曹吏欲斥之吉日以醉飽之失去士使此人將何所容不過汚丞相車茵耳

箭下妖星落風前殺氣回

嗣立案本傳度二十七日至鄆城巡撫諸軍宣達上旨士

皆賈勇出戰皆捷十月十一日唐鄆

節度使李愬襲破懸鉤城擒吳元

國香荀令去

世說荀令

君至人家坐樓月庾公來

補庾亮詩亮在武昌諸佐吏殷浩等乘秋夜共登南樓俄

而亮至諸人將起避亮曰諸君少住老子於此處興復不淺

玉璽終無慮

蔡邕獨斷皇帝六璽

皆以玉螭虎紐嗣立案通鑑度復知政事左右忽白失中書印度飲酒自如頃復白已得之人問其故曰急之

則投諸水火緩之則復  
還故處人服其識量

金滕竟不開

嗣立案尚書疏武王有疾周公作策

書告神請代武王死事畢納書於金滕之匱遂作金滕  
及為流言所謗成王悟而開之本傳開成二年復以本  
官節度河東度固辭老疾帝遣吏部郎中盧弘宣旨曰  
為朕臥鎮北門可也度不獲已之仕三年病甚乞還東  
都詔許還京拜中書令上巳曲江賜宴羣臣賦詩度不  
能赴文宗遣中使賜御札并詩曰注令待元老識君恨  
不早我家柱石哀憂來學  
丘禱御札及門而度已薨  
字記燕昭王金臺在易  
州易縣東南三十里

莊恪太子輓歌詞二首

舊唐書莊恪太子永文宗  
長子也母曰王德妃太和

四年封魯王六年詔冊為皇太子開成三年上  
以太子宴遊敗度將議廢黜御史中丞狄兼  
蓆

欽定四庫全書

卷三

雪涕以諫上意稍解十月皇太子薨於少陽院諡曰莊恪十二月葬於驪山之北原

疊鼓辭宮殿

謝朓詩疊鼓送華輶李善云小擊鼓謂之疊詳卷二補漢書孝成帝元帝太子也初

居桂宮漢武故事武帝生猗蘭殿七歲立為皇太子

悲笳降香冥

嗣立案舊唐書本傳敕兵部尚

書王起撰哀冊文曰玉棺歲窮影離雲外日

溫子昇皇太子敕詔

彩雲映日光滅火前星

劉孝威和太子詩前星滿瑞彩神光照殿

鄴客瞻秦苑

略徐幹劉楨應場阮瑀陳琳王粲吳質並立案謝靈運有擬魏太子鄴中集詩典

見友於太子吳質在元城與魏太子賡張敞在外自謂無奇陳咸憤積思入京城

商公下漢庭

史記留侯傳上欲易太子及燕置酒太子侍四人從太子顏肩皓白衣冠甚偉上怪之四人各言姓名曰東園

公角里先生綺里李夏黃依依陵樹色注見上空繞古一作

九原青

東府虛容衛

東府見卷七隋煬帝詩朱庭容衛肅

西園寄夢思

補魏文帝芙蓉池作

道遙步西園

鳳縣吹曲夜

列傳王子晉者周靈王太子好吹笙作鳳鳴詳卷一

雞斷

問安時

禮記文王之為世子朝於王李曰三雞初鳴而至於寢門外問內豎之御者曰今日安否何如

內豎曰安文王乃喜及日中又至亦如之及莫又至亦如之

塵陌都人恨詩彼都人霜

郊贈馬悲

陶潛輓詩嚴霜九月中送我至遠郊穀梁傳歸死曰贈歸生曰賻或曰車馬曰賻貨財曰

賻白虎通賻助也賻赴也所以助生送死也

唯餘埋璧地

補左傳楚恭王無冢適有寵子五人

無適立焉乃大有事於羣望而祈曰請神擇五人主社稷乃徧以璧見於羣望曰當璧而拜者神所立也與已姬密埋璧於太室之庭使五人拜康王跨之靈王肘煙加焉子干子皙皆遠之平王弱抱而入再拜皆壓經煙

艸近丹

一作  
前 堦

秘書劉尚書輓歌詞二首

王筆活鸞鳳

未詳嗣立案張懷瓘書錄許國師見太宗書曰鳳肅鸞回實古今書聖杜甫贈汝陽

王詩筆飛鸞聳立章罷鳳騫騰又唐太宗王羲之傳贊煙飛露結狀若斷而還連鳳肅鸞龍蟠勢如斜而反正今

之活鸞鳳或假借謝詩生笑容

補世說顏延之嘗問鮑明遠已詩與謝康樂優

劣鮑曰謝五言如初發笑客自然可

學筵開絳帳

後漢書馬

愛君詩若鋪錦列繡亦雕績滿眼

融坐高堂施絳紗帳譚柄發洪鐘譚柄見卷六世說龐

前授生徒後列女樂若其音響也粉署見飛鵬粉署見卷六異物志有鳥

形名之曰鵬不能遠飛行不出域賈誼鵬鳥賦序誼為

長沙王傳有鵬鳥飛入誼舍止於坐隅鵬似鷄不祥鳥

也誼自傷悼以為壽不玉山猜臥龍補世說山公曰嵇

得長迺為賦以自廣嚴若孤松之獨立其醉也俄如玉山之將崩嗣立案晉

嵇康傳鍾會言於文帝曰嵇康臥龍也天下顧以遺風灑清韻蕭散九原松

康為慮耳夫於九京也鄭玄曰晉卿大夫之墓地在九原全要領以從先大

塵尾近良玉世說王夷甫容貌整麗妙於談玄恒捉

白玉柄塵尾與手都無分別詳卷八鶴



裴吹素絲

晉書王恭美姿儀嘗披鶴氅裴涉雪壞陵殷而行益祖見之歎曰此神僊中人也

浩謫

晉書殷浩字深源陳郡長平人有盛名朝野推服與桓溫頗相疑貳浩受命北征請進屯洛陽脩復

園陵進軍次山桑而士卒多以叛溫上疏罪浩竟坐廢為庶人春墅謝安基見卷一京口

貴公子襄陽諸女兒

補古今樂錄襄陽樂者宋隨王誕之所作也誕為襄陽郡夜聞諸女

歌謠因而作之其曲云朝發襄陽城莫折花兼蹋月多至大隄宿大隄諸女兒花豔驚郎目

唱柳郎詞

嗣立案南史柳惲字文暢少有志行好學善尺牘與陳郡謝瀹鄰居淡見友愛瀹曰宅南

柳郎可為表儀案惲江南曲云春花街將晚又起夜來云月影入蘭室

太子西池二首

嗣立案世說明帝欲起池臺元帝不許帝時為太子好養

武士一夕中作池比曉已成今太子西池是也  
山謙之丹陽記西池孫登所創吳史所稱西苑

也晉明帝  
修復之耳

梨花雪壓枝

補李白紫宮樂  
詩梨花白雪香

鴛鴦柳如絲嬾逐妝成曉

春融夢覺遲鬢輕全作影

見卷六

頻淺未成眉

補徐陵答  
李那書頻

眉難巧學  
步非工

莫信張公子

補漢書序傳富平侯張放始愛  
幸成帝出為微行與同輦執轡

入內禁中設飲燕之會  
滿舉白談笑大謔詳卷一

窗間斷暗期

花紅蘭紫莖

屈原九歌秋蘭兮  
青青綠葉兮紫莖

愁艸雨新晴柳占三春

色鴛鴦百鳥聲

補韋應物聽鴛鴦曲  
流音變作百鳥喧

日長嫌輦重風暖覺

衣輕薄暮香塵起長楊落照明

長楊宮注見卷五

西陵道士茶歌

乳竇濺濺通石脉

補鮑昭過銅山詩乳竇夜涓滴屈原九歌石類兮淺淺濺同綠塵

愁艸春江色澗花入井水味香山月當人松影直僊翁

白扇霜鳥翎

補陸機羽扇賦委曲體以受制奏雙翅而為扇拂壇夜讀一作黃

庭經

集僊傳謝自然日誦黃庭經十遍誦時有童子侍立每十遍即將向上界去黃庭經脾神常在字魂

庭注脾中央即黃庭之宮曰常在疎香皓齒有餘味更

又黃庭者頭中明堂洞房丹田也

覺鶴心通杳冥

補春秋錄露鶴知夜半

過西堡塞北

淺艸乾河闊叢棘廢城高白馬羣

一作羣

首

補戰國策得徐夫人

首黑裘金佩刀

戰國策李兌送蘇子黑貂之裘漢書單于朝天子於甘泉宮賜以佩刀

霜

清徹兔目

埤雅兔目不瞬補羅願爾雅兔視月而有子其目尤瞭故牲號謂之明視

風急

吹雕毛

補淮南子雕其毛能食諸鳥羽如羣錯艸中有雕毛必衆毛自落

一經何用厄

補漢書韋賢傳長安語曰遺子黃金滿籬不如一經

一作

莫涕霑袍

補公羊傳西狩獲麟

孔子反袂拭面涕泣霑袍

欽定四庫全書

溫飛卿詩集箋注  
卷三

溫飛卿詩集箋注卷三